

Chedèv La

64-0705

Branham Tabènak, Jeffersonville, Etazini

1 Ann bese tèt nou kounye a, pou nou priye. Pandan ke tèt nou ak kè nou bese devan Bondye, mwen-m mande m konbyen nan nou, ki gon rekèt, yo ta renmen ke Bondye sonje, jis leve men nou? Kounye a, kenbe rekèt nou nan kè nou, pandan nap priye.

2 Seyè Jezi, Ou se Sous la, sous inepuizab Lavi a, koule nan nou jodi a, Seyè, e lave nou de tout enkredilite ak tout peche, pou nou ka kanpe nan Prezans Ou kounye a, lè nou konnen ke gen bezwen nan mitan nou, nou konnen ke nou se pechè e nou pa-pa merite okenn benediksyon. Men apresa, lè nou panse a Li menm ki vini e ki pran peche nou! Konsa, lè San Li la a, se pa-se pa nou ki nan Prezans Bondye, se Li. Se jis vwa nou atravè San Li. Se San L kap pale. O Bondye, lave kè nou de peche ak enkredilite.

3 Ban nou dezi kè nou, paske nou vrèman gen dezi sa yo pou sèvi W. Nan moman de feblès sa yo ak afliksyon, epi bagay nan mond lan ke nap sibi pafwa, pou pèfeksyone nou; se sa yo di nou. Epi L te di: "Pa trouve sa etranj ke eprèv sa yo rive." Yap travay pou byen nou, e pou pèfeksyone nou, epi mennen nou nan pwen sa a. Gwo dezè eksperyans sa yo, kote moun ki jis yo modle pou yo vin de sen, nou-nou remèsyé W pou eksperyans sa yo, Seyè. Nou pa ta janm vle fè anyen ki kontrè a volonte W. Men nou priye, Papa, ke nan bagay sa yo, nap vin pi pre W.

4 E lè fado yo tèlman lou nou pa ka al pi lwen, lè a nou leve men nou e nou rele bay Papa nou. Alò tandé nou nan Syèl la, Seyè.

Geri nou, kenbe nou an sante, pou lanmou Wayòm Bondye a.

Beni Pawòl Ou maten an, Seyè. Pawòl Ou se Verite.

5 E nou reyini la a kounye a nan legliz la. Nou priye pou Frè Nevil, e pou Frè Capps, epi Frè Collins, e tout rès predikatè yo, epi-epi administratè yo, dyak yo, epi tout laik yo, e tout etranj yo nan mitan nou. Ke jou sa a vin on jou, ke nap sonje lontan, poutèt Prezans Ou.

6 Nou gen gwo atant isit la maten an, Seyè. Nou te anonse, on ti jan ta, ke tap gen reyinyon. Nou santi ke se pou on bi. Se pou bi W reyalize, Seyè. Paske nou mande I nan Non Jezi, alò ke nou soumèt tèt nou. Amen.

7 Se ekstraòdinè pou nou isit la, rasanble avèk legliz sa a ranpli ak moun. M pat espere rankontre pèsonn isit la maten an paske, mwenmenm, m pat konnen ke m ta pral isit la.

8 Nou jis rantre sot Filadèlfia. Kifè m te antre, ap panse ke m ta pral oblige ale touswit an Arizona, pou on sèvis finerè on zanmi m, Kapitèn Jim Moseley, on jenn òm sen, presye ke m te mennen a Kris sa pa fè lontan, twa frè Moseley yo. E youn nan yo te tonbe, pandan I te nan avyon an lòt jou, e I te mouri menm kote a. Li te ret nan dife a pandan dizè d tan, anvan yo te jwenn li. Kidonk Lee gen ventuitan, madanm li gen vennsis, e--e li kite twa timoun piti, pi gran an, gen sètan. Se trè tris. Epi yo...Lè yo te pran I, yo te oblige antere I touswit jou apre a. Kifè m jis...M pat ka pati. E m jis te ekri, ou pito te voye on telegram, sou sa m ta pral di, ou sa m tap di, pou fineray Frè Moseley. Kèk nan bagay sa yo, nou paka konprann, men malgretou Li fè tout bagay mache byen.

9 Nou isit la, an sèvis pou Seyè a, maten an, konsyan ke--ke--ke nou kwè Bondye, ke nou kwè, ke Li pral fè tout bagay trè byen. Pe enpòt sa I ye a, e jan sa ap pase, nou konnen yo dwe "kontribye pou byen." Li te pwomèt sa. Fòk li konsa. Pafwa nou paka konprann sa, sa konn trè konplike dè fwa, men poutan nou konnen se Laverite, paske Bib la di, se Laverite. E Bib la, pou nou, se Bondye sou fòm lèt.

10 Bon, nou oblige plase, fwa nou on kote. E si--si mwenmenm oswa youn nan nou, nan lavi, n ap eseye reyisi nan vi a, epi nou ta vin, milyonè, plizyè fwa, men kisa nou ta pral fè ak sa? Nap oblige abouti nan fen wout la, e lè a, a kisa--a kisa sa ap sèvi? Ou wè? E lajan s on--s on bout papye, se pou fè echanj, men ou paka troke I pou Lavi. Bondye sèlman gen Lavi.

11 Kifè nou--nou konsyan ke nou isit la, sou on fòm negatif. E toutotan ke g on negatif, dwe g on pozitif. Paka g on negatif san g on pozitif, ou wè, paske se akoz pozitif la ki fè ke g on negatif. Kòm si w te g on imaj negatif on objè. Dwe g on objè on kote, oswa pou frape, pou limyè a frape lantiy sa, sinon patap gen okenn--okenn negatif. Kifè lè nou konsidere vi nou isit la se negatif la, e nou konsyan ke nou se imaj on vi ki on kote, lè a nou konnen ke g on pozitif on kote ke limyè a te frape, e sa te reflete on bagay isi a sou latè a. E nou jis reflè sa a. Objè orijinal la li on kote. Si se pa sa, m se moun ki pi sedwi nan lemonn; m depanse vi m pou anyen. Men m konnen, san menm on ti dout, ke li la. Ou wè? Se poutèt sa nou isit la. Ou wè?

12 Lè m wè noumenm moun yo, kap travèse peyi a, apre on anons dènye minit, e pafwa menm pa sipozisyon, alò sa fè m santi m vrèman piti, lè m vin nan on reyinyon tankou sa a;

pou map panse a moun, mwen konnen ki te pakouri dè santèn de mil, jis pou yo isit la, pandan kèk minit sèvis, jis pou chita la.

13 On dam te f on remak, lè I te vin lòt jou, e I te di, "Montre m kote nomm lan te mache, epi kite m mache dèyè I, sou tè sa," li te di, "Map geri." Bon, si moun yo kwè w, nan pwen sa a, e ou son reprezantan Kris, alò kisa nou dwe fè? Nou ta dwe trè pridan, paske ou pap sèlman detwi tèt ou, ak sa ki mal, wap detwi lòt yo kap swiv ou.

14 Kidonk, m pa konn okenn denominasyon oswa anyen, pou m mennen nou ladann. Gon gress bagay m gen lafwa m nan li. Si nou kwè m, swiv sa m di nou. Paske, m kwè Bib la, se Pawòl Bondye an. Lòt bagay yo echwe. M jis...Li se Lavi. Li se Pawòl la.

15 Kounye a, m konnen ke nou...Lè m vin isi a, m kenbe nou lontan. M te priye Bondye, lè m te santi ke m te vle vin isi a jodi a. M tèlman te gen anpil entèvyou ak apèl, e latrìye. M te dwe rankontre kèk nan yo maten an. Epi m te di: "Ebyen, Frè Neville ap pwobableman mande m pou m preche." Sa, se te vandredi. Epi m te di: "Frè Neville pral pwobableman mande m pou m preche. E lè m fè I, lè a m priye, Bondye..." Tèlman fè cho, li te fè tèlman cho. Epi Li te bon, Li te voye on lapli pou nou, pou kraze chalè vrèman ekstrèm sa a, e Li ban nou on bon matine maten an. M priye ke bonte Li pral kouvri nou tout, ke nou toujou sonje, nou te isit maten an. Ke gras ak benediksyon Li sou nou!

16 Yè swa m vizite on zanmi ki malad, Frè Bill Dauch. M pa wè I, isi a maten an. Pou on rezon ou on lòt, m pa wè I. O, men li. Li...Wi. E m tap panse: "On granmoun katrevèn onz an, epi kap kontinye travèse peyi an-an, atravè dezè yo, epi sou mòn ki kouvri ak nèj epi wout glise yo. Li pa bezwen fè sa. Bondye te bon avè I; li pa bezwen fè sa. Li te ka chita lakay li, epi gen sèvitè k ap vante I, si I te vle." Men, on bagay te rive Frè Dauch, li te ne de nouvo. Epi lè sa te fèt, on bagay vin nan kè I, ke tout sa I te viv pou li, se pou patisipe nan sèvis sa yo. Alò si m dwe pòtpawòl Bondye, èske m tap desevwa on zanmi? M ta pito mouri. Alò kite m di I egzakteman, kisa Laverite nan Bib sa a. Alò, se Pawòl Bondye. M ap jis repete sa L di.

Kounye a m ta renmen li enpe nan Bib la.

17 Anvan nou li, m ta renmen di ke, m kwè aswè a se sware kominyon an. E noumenm ki isi a lokalman...Byensi, lòt moun yo petèt pral retounen lakay yo, paske yo dwe al travay. Noumenm ki lokalman isi a nan asanble an, sonje, frè yo pral bay kominyon aswè a.

18 Kounye a, m ap tann apèl final la pou Afrik. Yo pa tap, pa vle kite m antre kòm on misyonè. Kidonk sèl fason m ka antre, anba a...M pral Kenya, Uganda, epi-epi Tanganyika. Epi sèl fason m ka antre...Premyèman, legliz yo pap kite w antre, paske yo vle m preche on bagay sou bò sa a, ak bò sa a, anba a an Afrik. E m pap antre konsa. M pa tap ipokrit ase,

pou m fè sa. Kidonk swa m di yo: "Non, mesye, m ap jis preche jis sa Bondye mete sou kè m, e se tout." Ou wè? E m sèten ke se pap sa yap eseye fè m preche. Kidonk, batèm trinitè, e latriye kon sa, epi ap fè diskisyon avè yo. Non.

19 Men, Frè Boze te envite m nan on gwo konvansyon. Li prèt pou I wè klè sou sa nou kwè. E kidonk, m te mande pou m antre, tankou m ta pral nan on vwayaj lachas. Si yo kite m antre, tankou antre al lachas...Si m ka jwenn on moun pou di, yo t ap mennen m lachas, alò lè m antre la a, doktè a-doktè a la a, nan anbasad la, se zanmi pèsonèl mwen, ki soti Chicago. E osito m antre la a, li pral di: "Ebyen, men Frè Branham bò isi a. Annou g on reyinyon." Kidonk, apre ke m la a, anbasad la pa ka refize m. Si yo...Alò y ap eseye regle sa kounye a. Kifè m konfyan ke sa...Si se volonte Bondye, sa ap ranje konsa. Ou wè? Li-li jis nan men Li. Sinon, lè a m ap fè nou konnen. M pap...

20 Si se volonte Bondye, alò, m vle pale sou Sèt Twonpèt yo. E sa pral, apeprè on sèvis ui jou, e nou pap isi a nan tabènak la, petèt. Nou pral eseye pran on oditoryòm isi a.

21 Kounye a m pat janm panse, a nouvo oditoryòm sa a, ke yo fèk konstwi isi a, se egzakteman kote m te wè Jezi, premye fwa a nan vizyon. Kounye a li konstwi, oditoryòm lan konstwi egzakteman nan menm kote a. M t ale la a menm, lòt jou a, pou m gade. Lè m te gade epi m te wè L, k ap gade nan direksyon lès la, nou sonje nou tande m di sa, lè m te deyò a la a, ap priye pou papa m; on-on ti gason, jis on jenn gason predikatè. Se kote sa a, ke m te wè L. On pa, m tap gade L; Li te gen tèt Li vire sou kote pa rapò a mwen. M te kontinye ap mache, ap rakle gòj mwen, nan on chan jenè. Epi m te kontinye ap gade, epi L pat janm vire. Apresa m te rele Non L: "Jezi." Epi L te vire tounen, Li te lonje bra L, epi se tout sa m te sonje jouk li fè jou. E alò m vini sot nan chan an, al nan direksyon limyè jou an.

Alò petèt ke Seyè a ap kite m preche Twonpèt sa yo la a. Kèlkeswa kote I ye a, volonte Bondye ap fèt.

22 Vire nan Bib nou kounye a, nan Ezayi senkant-...chapit 53 nan Ezayi.

Kounye a, nou konfyan ke Bondye pral beni efò fèb nou yo, nan vini ansanm maten an. Nou fèk rive sot Filadèlfia, kote m te nan konvansyon Biznismenn Plen Levanjil la, kote m tap koute diferan temwayaj yo e latriye, anwo la a.

23 Apresa mwen, sou wout la lè nap tounen, m te...Billy Paul avè m, ak Rebekah ak ti pitit fi Collins lan, ti Betty Collins. Epi Billy s on moun ki vrèman konn byen dòmi, epi Becky pi bon, e kidonk mwen...Betty avè m te pale. Epi li te chita dèyè ak Becky, nan chèz dèyè a. Epi m te wè on bagay sou wout la, ki rive; epi, lè me te wè, on bagay te frape m. Epi Betty, si li isi a, li

te remake ke m te sispann pale epi m te kòmanse ap ekri on bagay. Se kote sa a m te pran tèks sa a pou maten an.

24 Kounye a ann leve kanpe. Si nou...bon nou kanpe pou onore Pawòl Bondye a, pandan m ap li Ezayi chapit 53.

Kilès ki te kwè rapò nou an? epi a kimoun bra Seyè te revele?

Remake, s on kesyon, pou kòmanse.

Paske li va grandi devan l tankou yon ti plant tand, e tankou yon rasin ki sot nan...tè sèk: li pat gen okenn fòm ni avni; e lè nou va wè l, pap gen okenn bote ki te fè nou anvi gade l.

Lèzòm te meprize l epi rejte l; yon nonm tris,... abitye ak soufrans: e nou te vire figi n pou n pat gade l; nou te meprize l, e nou pat konsidere l.

Sepandan se doulè nou li t ap pote, e se tristès nou yo li te pran: poutan nou te konsidere ke Bondye te dwe frape l, e bay afliksyon.

Men li te blese pou dezobeyisans nou, li te brize pou inikite nou yo: chatiman ki fè nou gen lapè a te repoze sou li; e se akoz de blesi li yo ke nou te geri.

Nou tout te tankou brebi ki pèdi; nou chak t ap swiv pwòp chemen nou; e Seyè a te mete inikite nou tout sou li.

Yo te sibi presyon, epi... l te gen afliksyon, malgretou li pat louvri bouch li: yo te mennen al labatwa tankou on ayo, tankou on brebi devan sila yo k ap pran lenn sou do l...li te ret bèbè, san l pat louvri bouch li.

Yo te retire l nan prizon ak jijman: e kilès ki va pale ak jenerasyon l lan? paske yo te retranche l nan peyi moun vivan yo: poutèt dezobeyisans pèp mwen yo te frape l.

E li te mete tonbo l pam mechan, e pam rich la nan lanmò l; li pat komèt okenn vyolans, li pat sedwi ak bouch li non plis.

Malgretou sa te fè Seyè a plezi pou l te brize l; li...fè l soufri doulè: lè w te fè nanm li on ofrann pou peche, li va konsidere semans li, e li va prolonge jou l yo, e jwa Seyè a va pwospere nan men li.

E li va konsidere nanm li ki an travay, e li va gen satisfaksyon: akoz konesans li anpil sèvitè jis va jistifye... anpil; paske li va pote inikite yo.

Poutèt sa Mwen va ba I on pòsyon avèk gran yo, epi...li va pataje ak fò yo; paske li te livre nanm li bay lanmò: e yo te konte I pami sa k ap dezobeyi yo; e li te pote peche anpil lòt pou I te fè entèsesyon pou sa k te dezobeyi yo.

25 Bondye Papa, Pawòl Ou s on lanp, Limyè k ap klere chemen chak kwayan, nan Prezans Bondye, pandan Lap transpòte tankou on lantèn nan men nou. Ou pat bay ase pwovizyon, pou nou te ka wè, lafen depi nan kòmansman an, men m ap mache pa lafwa. Men tankou on nonm ki t ap vwayaje atravè on forè sonb lannwit, se la nou ye; limyè li kenbe a, fè pwovizyon sèlman pou, pa apre pa. Men chemen an, menm si l ap monte anwo, jis avanse ak Limyè a. Epi pèmèt ke Limyè a briye jodia sou Pawòl la, pou gide nou, on pa pi lwen nan Wayòm Bondye a. Paske nou mande sa nan Non Jezi. Amèn.

Nou mèt chita.

26 Sijè ke m santi pou m pale ak kongregasyon an sou li jodi a se: *Chedèv La*.

Sa ka sanble pito etranj pou li, on--on Ekriti tankou sa, youn nan--nan tablo nan Bib la ki pi brital e pi makab, kote Bib la di, ke, "Sèvitè pafè sa a, te gen aflikson, epi brize, ak on kouwòn pikan," epi kanmenm chwazi on tèks apati de sa, pou on, *Chedèv*. Trè etranj. Men mwen...

27 M t ap panse, maten an, pandan nou t ap retounen, efektivman, sa fè kèk ane. Yo te envite m Forest Lawn, an--an Kalifòni, anwo Los Angeles. Premye bi mwen, pou m te ale anwo la a, se te pou vizite tonbo Aimee Semple McPherson lan--lan, fondatris mouvman Foursquare la. E m te al bò kot tonb li--li. E malgre m--m pa kwè menm jan ak dam lan, antan ke minis, men, poutan, nan kè m, m te gen admirasyon ak respè pou--pou sa I te pran pozisyon pou li, nan--nan moman an, epi pèsekisyon ak bagay li te dwe travèse, nan moman li te isit, sou tè a. Epitou poutèt byeneme pitit li--li an, ki se on bon zanmi m, Rolf McPherson.

28 E nou te on gwoup minis, ki te ale anwo a la. E yo...nou pat gen tan ale nan--nan...nan plas la--la kote yo boule moun yo, pou mete kò yo--yo nan on--on ti bwat sou kote mi an.

29 Epi anndan an, yo gen kèk bagay eksepsyonèl, tankou Dènye Sentsènn lan. Epi li te, limen ak limyè solèy la, ki te la a. Apre sa, yo-yo gen yon pèsyèn ki ba yo ... Lè yo antre, li fè klè; epi alòs ke— yo kòmanse pale, li tap fè nwa. E apre on ti tan, li te vin fè nwa net, epi lè sa a, moun yo sòti. Epi yo Soupe ansanmb.

30 Epi fanm lan ki te gen sekrè, kijan pou bat vè sa a, nan kote sa a, enben, pou fè imaj sa yo, enben, li - li vin de on fanmi, depi plizyè ane. Epi teknik la te pase, bay timoun yo, epi dènye a te on fanm. Epi, yo tap repare imaj sa a. Epi, lè yo te vle fasonnen e boule-glas la,

kwit li, Jida Iskariòt la, li te pete. Alòs, lè yo te eseye I ankò, epi li te pete ankò. Apre sa, li te di, "Petèt Seyè nou an, pa vle lènmi I reprezante bò kote I." Epi li di, "Si I pete ankò, nou pap ka fini ak imaj la." Men, li te kenbe fwa sa a. Alòs, sèten, se te on bagay etonan, e ki jan de tèl bagay te ka rive.

31 Men, alò, youn nan bagay prensipal ki te enterese m nan Forest Lawn, se te gwo eskilti Mikèl—anj, lan, moniman Moyiz la. Se on-on repwodiksyon, Sèten. Li pa orijinal la, men se te tèlman on-on gran chedèv. E lè m te kanpe epi ap gade I, m-m te renmen sa, on bagay ki ta sanble ke I (reprezante) ke I ta gon'on bagay nan li.

32 Mwen renmen atizana, tout bon vre. M kwè Bondye nan atizana. M kwè ke Bondye nan mizik. Mwen kwè Bondye nan lanati. Bondye toupatou. E nenpòt bagay ki kontré ak orijinal la se on pervèsyon. Bondye nan danse; pa kalite dans nap fè bò isit la. Men, lè pitit gason ak pitit fi Bondye yo nan Lespri Bondye a, ou wè, sa a se danse. Men, tankou lè nou te oblige batay jiska de zè maten sa a, anwo a nan riyèl la, sa a se perversion an.

33 Men, sa a, se chedèv ke Mikèl—anj te fè a, li te fè I, e sa te koute I on bagay pou I fè sa. Li te on grantòm, epi sa te koute I on gwo pati nan lavi I , paske li te pase anpil, anpil ane ap eskilte. Jis pran on wòch e nan-nan mab la, epi ap kontinye eskilte. Epi, gade, se sèlman nonm sa a, esklètè a limenm, ki gen nan tèt li sa I ap eseye fè a. Li se sèl moun nan. Ou ta ka mache sou li epi di I ', "Pou kisa w ap fouye nan wòch sa a?" Pou enkoni an, ki pa konn ki sa k nan kè I, sa pa gen okenn sans. Men, pou nonm sa a, esklètè a li menm, li — li gen on — on vizyon nan tèt li, kisa I ap eseye fè, epi I ap eseye repwodui, sa I gen nan tèt li sou fòm on — on moniman. Se rezon ki fè I tap fouye nan wòch yo.

34 E sa a, pou fè I, ou dwe byen pati, nan kòmansman an, epi w dwe swiv modèl la. Ou wè? Ou pa ka gen on ti moso, pou kòmanse, "Nou pral fè sa konsa; non, m kwè ... "Non, fòk li gen on modèl egzak. Epi nan lide I, li te gen modèl sa a. Epi I pa ka devye de modèl sa a. Koulye a, poul ka fè sa, li te dwe desine I nan tèt li, paske nou pa gen okenn imaj reyèl Moyiz, men li te dwe gon imaj mantal nan tèt li, de sa Moyiz te egzakteman.

35 Kounye a, on esklètè otantik li enspire, tankou on powèt otantik, oswa nenpòt chantè otantik, mizisyen, kèlkeswa sa I ta ye a. Tout sa ki reyèl dwe vini pa enspirasyon. Mikèl—anj dwe te gen enspirasyon de sa ke Moyiz te sanble reyèlman. Epi I kapte I, nan panse I, sa Moyiz te dwe ye. Konsa, li met men sou gwo moso mab la, ap taye selon modèl la, redwi I, rafine I, jouk li rive nan imaj reyèl, sa I ta ye nan lespri I.

36 Apre sa, lè I te gen tout bagay sa yo, tèlman pafè, chak kwen koupe, e chak kote te fwote, je yo byen dwat, chak cheve, chak bab, tout bagay jis jan I te ye a, li te kanpe e I te gade I. M-

m panse a- anpil, anpil ane travay difisil, e kouman ke l te dwe kenbe, menm vizyon sa a tout tan, nan panse l, de sa l te pral fè. Epi jis panse, ke vizyon sa a nan panse l, depi plizyè ane, pou fè l sanble jis egzakteman, ak sa l te ye a! Li te sezi vizyon an, an premye, e ki jan li te dwe travay pou vizyon sa a, ap koupe e ap redwi! Epi lè l te rive avè l kote l te pèfeksyone l, jouk li te vrèman vinn pafè; li te kanpe e l te gade l lè l te fini nèt maten sa a, ak on mato nan men l. Epi li te tèlman enspire lè l te gade l, paske vizyon ki nan lide l la, te kanpe devan l, an reyalite. Sa l te wè a, epi ...konsepsyón l de sa Moyiz te ye, te la a, te pran fòm devan l, sa l te gen nan kè l tout ane sa yo. E pakèt travay yo, dè zè ak lapenn, detrès, e bann kritik yo, ak tout rès la, men malgre tou li te rete konsekan ak vizyon an, jiskaske l te fini.

37 Lè sa a, lè li te fini, li te fon'on back ak mato a, oswa mato eskiltè a, nan men l, li te gade moniman sa a. Epi enspirasyon vizyon l te wè a, ak jan pou l fè l, te enspire l tèlman jiskaske l ... Enspirasyon an te frape l jouk li te pèdi kontwòl, epi frape l nan jenou l, e l di, "Pale!"

38 Koulye a gon defo sou gran imaj sa a, nan jenou an, nan jenou dwat la. Jis anwo jenou an, apeprè sis pou, se on kote (m te met men m 'sou li) environ pwofondè sa a.

39 Apre li te fin pase tout tan sa a, ane apre ane, pou fè sa a; apre sa anba enfliyans ke l te wè akonpli a, sa l te wè nan kè l ak nan vizyon l, e l te dezire wè a, li te akonpli. Epi lè l te fini, li te tèlman enspire l jouk li te panse ke pwòp chedèv li a, ta dwe reponn li. Alòs, li te frape l nan janm lan, epi rele fò, "Pale!" Epi li te fon'on defo sou li. Li met on defo sou imaj la.

40 Pou mwen, defo a, se sa k te fè l, on che dèv. Koulye a, petèt nan tèt sa ki ta ka panse diferan, ou panse ke sa ta andomaje l. Non, pou mwen, li-li te fè l, sa l te ye. Li-li ... Paske apre anpil ane travay atansyone ak lapenn, e enspirasyon, elatrye, pou fè l, travay di a te pwouve l, pat pou grenmesi. Li te pafè, e se poutèt sa li te rele fò, "Pale!" Paske, li te wè devan l, sa li (te) te kapab reyalize, pou akonpli vizyon ki te nan tèt li. Kidonk, anba enspirasyon, li te fè on bagay ki andeyò la rezon, soti de lòdinè . Li frape l, li rele fò, "Pale!" Gade, li pa ta fè sa, si l pat panse l. Men, li pa t 'panse. Se te enspirasyon, pou wè sa li te gen nan lide l la, kanpe la pafètman devan l.

41 Travay di li yo, ak fatig yo, ak nwit long yo, epi loje lwen mond lan pou dè jou, e petèt manje on sandwich. Epi — epi fwote l, epi retounen, epi, "Non, se jis pa jan sa a, li te ye. Koulye a, li ta dwe desann sa a, "epi fwote l. Apre sa, lè l te wè l, jis pafè, alò, li te wè l an reyalite. Negatif sa a ki te nan tèt li a, vin reyèl, li vin pozitif, Se poutèt sa l te rejwi, nan li menm. Epi li te tèlman reyèl, ke l te dwe pouse kri sa a, "Pale!"

42 Pou mwen, se te on reflè. Li te-li te on konpliman pou travay li, ke pwòp travay li te tèlman inspire l, ke l ta pèdi kontwòl li, pou l frape l, epi di "Pale!"

43 M te kanpe la a, e m gade moniman an. M te panse a kantite lè, ke nonm lan, dwe te mete, pou I fè sa a. Yo te di konbyen ane I te ye. Men, li-li te on reflè de limenm, paske I te on kontribisyon a- a teknik ekstròdinè I la, mayifik travay ke I te fè a. Epi lè I finalman te kab reyalize I, se te tèlman fòmidab.

44 Koulye a, ann tounen paj la, sou Mikèl—anj, epi fèmen liv la. Epi ann louvri on lòt Liv epi li sou gran eskiltè a, ki touwpisan. Ki se moun ki, anvan te gon mond, e anvan fondasyon I te gen, nan tèt Li sa L te vle, epi Li te vle fè moun nan pwòp imaj Li. Li te vle fè on bagay nan - an reyalite sa ki te on vizyon pou li, sa ki te nan panse I.

45 Kounye a, pou Mikèl-anj, se te on atribi panse I. Ebyen, Bondye te vle fè on nom apre imaj Li, gran eskiltè a, epi I te al travay sou li. Epi nou remake, jan ke Li te fè I, ak materyèl yo. Premye a petèt se te pwason, epi zwazo yo, epi — e apre, bagay kap trennen sou tè a, ak — ak anpil bagay li te mennen. Men, finalman, alòs ke lap byen panse, antan ke kreyatè, Li te gen ... Li pa t tankou on nom, kounye a, on eskiltè ki te gen pou pran on bagay ki te kreye, pou taye on imaj. Li te Eskiltè bagay Etènèl yo. Li te Eskiltè a ki te kapab kreye epi mennen a egzistans sa ke L te gen nan tèt Li pou L fè. Oswa, otreman, Li ka materyalize, sa atribi Li yo vle.

46 Kidonk pandan L ap kòmanse travay sou bagay ki trennen sou vant yo, tankou sou—sou—ti bêt yo sou tè a. Epi apre, Li pase de sa a, a on lòt bagay, on bagay ki pi wo. Kidonk, finalman Li pase a pi gwo bêt yo, tankou Lyon, tig, lous. Apre sa, Li te petèt pase a-a lavi makak, goril, elatriye.. Koulye a, se pa on evolisyon, menm jan nou panse ke nou te vinn de on e- ... Se te on kreyasyon konplè; Bondye k ap travay ak on modèl.

47 Men finalman, on pèfeksyon te parèt sou tè a, e sa te on moun. Lè sa a, li te ka wè nan nom sa a, te sanble avè L. Konsa, kounye a lè L te gade I, li te yon reflè de sa kreyatè I te ye. Kounye a, Bondye te reyalize bagay ke I te vle a, yon nom nan pwòp imaj Li.

48 E answit m ta ka di, apwopo de sa, ke, lè I te fè nom sa a, te gon bagay de li sepandan, ki pa t sanble jis kòrèk, paske ke li-li te poukont li. Epi se konsa Bondye te ye, pou kontli; Li te Letènèl. Epi nom lan kounye a, nan imaj Bondye a, limenm tou te egziste sou tè a pou kont li. Konsa, Li dwe te bal on ti tap sou bò gòch li, epi kote sa a li te retire moso ke I te frape a epi fè on konpay, on madam pou li avè I, kifè, li pa t' pou kont li. Li te-li te, li te gon moun avè I. E se sa travay ekstraòdinè I la.

49 Epi, Limenm, menm jan ak nenpòt eskiltè ta pran chedèv li— ... Koulye a, dabò, Li te gon che dèv de limenm. Men koulye a, Li te wè ke che dèv la te izole, menm jan ke I te ye a, konsa Li divize chedèv la, nan frape I 'sou kote I, e fè soti on konpay.

50 Epi koulye a, pou fè de(2) tounen on sèl, Li mete yo, tankou nenpòt ki remakab eskiltè, nan on kote ki-ki mayifik. On-on eskiltè pa ta fè on mayifik che dèv, epi apre, pran l, e mete l' nan on pasaj kèk kote, oswa kache l dèyè biling yo. Tankou Seyè nou an te di nou, "On nonm pa limen on chandèl, epi mete l anba on tono." Lè nou vin on chedèv Bondye a, nou pa kache nan on pasaj kèk kote. Nou-nou dwe bay limyè.

51 Konsa nou wè ke —ke li, apre l te fin fè che dèv sa a, Li mete l isit la sou tè a, li mete l nan kote ki pi bèl ki te genyen, jaden dedenn lan. Li te mete chedèv li a, tou lè de(2) tounen youn, nan jaden dedenn lan. Ki jan sa te dwe fè L plezi, ke L te wè chedèv sa a te byen. Limenm, apre sa, nou jwenn ke L repoze L; Li te tèlman byen kontan de travay Li.

52 Koulye a sonje ke, opinyon pa m, chedèv la se kou, ki andomaje chedèv Moyiz Sen Anj lan, nan moniman an. Epi se te kou a, ki te koupe bò kote chedèv li a, sa te fè Epouz la soti. Epi koulye a nou wè yo, tankou on fanmi chedèv nan jaden dedenn lan. Ala bèl sa te bèl! Epi li te tèlman fè L plezi, jiskaske Li—Li te repoze L aprè. Li te di, "Mwen, M pral repoze."

53 Men pandan L t'ap repoze, epi mete konfyans Li nan chedèv li a, lènmi L an vini, li jwenn remakab chedèv sa a. Epi limenm, ak riz, li-li ranpe anba-mi jaden yo, e apre sa, li-li sal bèl chedèv sa a. Li-li sal li, se konsa ke li-li te tonbe.

54 Koulye a, m ap eseye siveye revèy sa a. Epi m te mande Mike, neve m nan, pou sonnen klòch sa a nan trant minit, men mwen ... Li pa t fè l, e m te deja gen trant minit. Men, se, na p kontinye on ti kras. Ou wè? Koulye a, m pa vle-brize règleman sa yo. Mwen-m te fè règleman sa yo, ou wè, epi, mwen-m ... men sa l ye, lè wap brize pwòp règ ou.

55 Koulye a remake, apre sa, chedèv sa a. Lè Satan te met men l sou li, twonpè a, li te pase atravè mi yo, epi-e li te sal chedèv sa a. Paske se fason sa a, li te fè l, se ... Ki jan l te fè li? M pral nan plis detay, sou li. Ki jan l te fè li, se te ... Chedèv sa a te antoure pa miray Pawòl la, Pawòl Bondye a. Epi chedèv la, li menm, fanmi an, te fòtifye pa Pawòl sa a. Men pati ki te brize a, ki te brize sot nan orijinal la, te elwaye l de miray sa a, li bay Satan on chans pou l sal li. Epi, koulye a jan w konnen, sa m kwè sou bagay sa yo, kidonk, m pa pral gen pou di sa. Men chedèv la te brize.

56 Men gran eskiltè a, lè l te wè chit fanmi l lan, chedèv la, li pa t vle, jis kite l lonje la a, fas atè, e delabre. Li te al travay, imedyatman, pou bat l ankò. Li pa t dakò pou ke l ta peri, lonje konsa la a, tout tan. Paske, Li se Bondye, epi Li pa pral, pran defèt. Konsa, Li te al travay imedyatman epi kòmanse bat l, ankò, nan pwòp imaj Li, on nonm.

57 Koulye a, nou jwenn ke mond antedilivyen an vin vini epi detwi tout bagay, paske alyans ki te fèt yo, te fèt kondisyonèlman, "Si w pa vle fè si, oswa si w pa vle fè sa." Bondye, gran Eskiltè

a, wè ke moun pa tap - pa tap kapab respekte on alyans. Li jis pa ka fè I. Pa gen okenn fason ditou. Nan entèvyou a kèk moman de sa, m te pale ak on moun nan sal la, ki la a kounye a. Li te di, "Men, Frè Branham, m gen tèlman anpil bagay ke m — m konnen ki pa bon," epi on — on ti madam byen pye.

58 M te di, "Men— men, gade, sè, ou pa gade w. Se jis sa dezi w ye, epi sa w eseye fè. Men, si w reyèlman renmen Seyè a, ou eseye sèvi I ak tout kè w, e apre sa tout fot ou yo, kache nan san Seyè Jezi a. " Ou wè? Ou wè, Li te fè on fason.

59 Konsa Li kòmanse kounye a, li te pran nonm, nan alyans li yo, ki tap di ke, "si w fè sa, map fè sa." Epi li te kòmanse avèk nonm sa a, yo te rele Abraram, epi li te bay Abraram on alyans san kondisyon. Chak fwa Li ta kòmanse on chedèv, Satan ta jwenn li, paske Pawòl la ... Men, lè I te kòmanse avèk Abraram, Li te di, "Mwen te déjà fè I." Koulye a, sa a se san kondisyon, pa sa ... ke-ke, "Si w fè sa, map fè sa," men, "M te déjà fè li." Koulye a, Limenm, Eskiltè a, detèmine pou gen chedèv sa a.

60 Apre sa, de Abraram, soti patriyach yo. Epi patriyach yo reyèlman ... Koulye a, kisa Bondye ap fè? L ap rebati chedèv sa a ki te tonbe a. Konsa, nan patriyach yo, premye ke n te jwenn se te Abraram.

61 Koulye a, gade, yo depose chak chedèv sou on fondasyon, on eskilti. Moniman Angelo de Moyiz la, li sou on twa oswa kat pyès mab. Li te gon fondasyon. Konsa, Bondye, pou l prepare chedèv sa a, Li mete l'sou on fondasyon patriyach yo. E fondasyon patriyach la, dabò se te Abraram, apre se Izarak, epi se Jakòb, answit se Jozèf, kat kwen yo.

62 Bon, kounyeya, Abraram te fondasyon lafwa. Ann di, te gen kat fondasyon. Fondasyon lafwa te Abraram. Fondasyon lanmou te Izarak. Fondasyon la gras te Jakòb, gras Bondye pou Jakòb; nenpòt moun conn sa. Men nan Jozèf se te pèfeksyon, men kote L te kapab depoze moniman an; pa sou premye fondasyon an, dezyèm fondasyon an, twazyèm fondasyon an, men sou katriyèm fondasyon an.

63 Abraram te dekri Kris la, sèten; konsa Izarak te fè I, nan lanmou. Abraram te fè I, avèk lafwa; Izarak te fè I, nan lanmou; Jakòb te fè I, pa gras li. Paske, Jakòb vle di "twonpè," e se sa, li te ye, men gras Bondye a te avèk li. Men lè li kesyon de Jozèf, pa gen anyen kont li, jis on ti grafouyen, paske fondasyon an dwe on chedèv tou. Lè I te di papa I, pwofèt la, "Di farawon an, ke pèp ou a, se-se elvè bèf, epi yo pa bèje, paske on bèje se on abominasyon pou ejipsyen an."

64 Men, lè vye pwofèt la parèt devan farawon an, li di: -Sèvitè w yo, se bèje yo ye. konsa, li grafonyen I ', ou wè, Se pou sa, li toujou fè I chedèv la.

65 Koulye a fondasyon yo depoze, atravè lafwa, lanmou, la gras, epi pou pèfeksyone, atravè patriyach yo.

66 Koulye a travay kò a, ki vin ajoute a gran chedèv sa a, se te pwofèt yo, ki te Pawòl la. Mwen espere ke w ka li l. ou wè? Pwofèt yo; pa lwa yo! Pwofèt yo, paske pwofèt yo, se te Pawòl konfime ki fè kò a; pa patriyach yo. Pwofèt yo, yo te Pawòl la.

67 Finalman, pandan I te kòmanse nan epòk Moyiz la, li te desann atravè pwofèt yo, chak nan yo. Epi, finalman, konstriksyon kò a, tap pwoche pi pre tout tan. Epi pi gran an, nan yo tout, se te Jan. Bib la te di sa. Jezi te di l. "Pa gen on nonm, ki janm fèt de on fanm, osi gran ke Jan Batis," paske se li, ki te kab entwodui Pawòl la.

68 Epi, finalman, gran Tèt la rive, Tèt tout nan yo a. Rès kò a, m te jis pale de li. Patriyach la te depoze fondasyon an; men kò a te konstwi pa Pawòl la, ki te pwofèt yo; epi Tèt tout bagay la, Jezi, te vin sou sèn nan. La a, lè sa a, yo te depoze, pati Tèt la, sou li, nou jwenn nan li tout travay atizana Bondye a. Nou jwenn nan Li reflè pafè Pawòl la, paske Li te Pawòl la, plenitid Pawòl la. Koulye a, ankò, Bondye gen chedèv pafè a ankò. Kòm Ezayi te di, "Gade sèvitè m nan, chedèv mwen an, ke m te dekri atravè tout laj yo, pou moun pafè sa a, k ap vini an. E la a, Li kanpe dwat devan m, on pafè! " La a, nan pwòp imaj li, kap reflete Bondye! Paske L te di, nan Sen Jan 14, "Lè w wè m, ou wè Papa a."

69 Epi, , "Nan kòmansman se te Pawòl la, epi Pawòl la te avèk Bondye," epi Pawòl la te taye, e I te reflete sa Pawòl la te ye nan kòmansman an. Limenm, Pawòl la, reflete chedèv la nan pwòp resanblans li, Bondye tounen ankò nan pwòp resanblans li, fòm Pawòl la, te reflete nan imaj on nonm, chedèv la.

70 Tout pwofèt yo te gen defo; tout sa yo te on pati. Men, la a, an fen, atravè tou sa, finalman chedèv la rive, Èt pafè a, pa gen okenn fòt nan Li ditou, tèlman pafè, Li reflete konstriktè a li menm, pwòp imaj Li te reflete nan travay Li. "Bondye ak Kris la te fè on sèl," nan pwen ke I mete Lespri I nan li, epi Lè sa a, menm imaj la ak konstriktè a, te vin youn. Bondye ak travay eskilti I la, chedèv li a! Ki kote Moyi - Moyiz te ye, nan travay Sen Anjelo a, li te on ... oswa Mikèl-anj, olye; se te on-on travay eskilti ki te mouri, paske li te fè I ak wòch. Men, la a, Mèt Konstriktè a, lè li te trouve travay li a pafè, Li te antre anndan I.

71 Tèlman li te on parfè Redanmtè moun, tèlman parfè, tèlman diven; epoutan, pa t gen okenn bote ke n ta dwe dezire L. Lè Ptit Gason Bondye vivan an ki te fèt de on vyèj te vin tèlman parfè, e emb, epi nan pòtre Bondye a, jiskaske gran Mèt la ki te mennen vi I, a travè pwofèt yo ... Epi li te akonplisman tout pwofèt yo. Li te tèlman pafè, jiskaske, Bondye lè I wè sa, Li frape I, epi I rele byen fò: "Pale!" menm jan Mikèl-anj te fè I: "Pale!"

Ou di: "Èske se vre?"

72 Sen Mak 9: 7, nou jwenn, sou mòn transfigirasyon an, lè Moyiz te kanpe, lalwa, lè Eli te kanpe, pwofèt yo. Depi nan kòmansman an, patriyach yo, papa yo, lalwa, pwofèt yo, yo tout te kanpe la. Nou tande on vwa k ap desann soti nan nwaj la, epi Li di, "Sa a se Pitit gason ke m renmen anpil; tande Li! " Men, si yo pral tande, se paske Li gen pou L pale. Se te jis kèk jou anvan Li te frape. "Sa a se Pitit gason, ki se moun ke m pran plezi abite nan li. M te fasonnen I. M te gen kat mil ane pou mennen L a sa a. Epi koulye a, Li tèlman pafè, ke m dwe frape L pou L ka pale. Tande Li! Se Li ki pafè a. Se Li-se Li ki chedèv la. "

73 Sonje byen, Li te dekri tout tan, remonte atravè Ansyen Testaman an. Nou jwenn Li ki te wòch la nan dezè a, ki te frape, wòch nan dezè a. "M se wòch ki te nan dezè a." Men, se te on wòch ki pa t fin rive nan pèfeksyon L ankò. Men nan on fòm de tip, Li te swiv legliz la, pou tire de Li sa ke L te kapab tire, pou bay lavi a sila yo ke l te kapab bay lavi. Men Li te wòch sa a nan dezè a. Li potko fè l moun. Li te sèlman on tip.

74 Moyiz te wè l kanpe sou wòch sa a. Li wè L kap pase, li di, "Se dèyè do, on nonm." Ou wè, eskiltè a te prezante a Moyiz, ki te on imaj potansyèl de Kris la, sa ke gran chedèv la, ta sanble lè l te pafè. Li te pase ... Li te enjekte, oswa-oswa pwojte pou Moyiz, vizyon de sa, ke chedèv la pral sanble. Se te pati dèyè do on nonm, lè Li te fè, on pase nan dezè a.

75 Sonje byen, Anjelo te kapab sèlman rele fò e frape imaj la, epi di, "Pale!" Men, konbyen diferan li te ye ak Bondye, remakab eskiltè a. Lè l te fè on nonm nan pwòp imaj li, tèlman pafè ke l reflete l, Bondye te pale atravè imaj on nonm, kap montre sa l ta fè. Li te pale atravè pwofèt yo, menm jan yo te ye, nan imaj potansyèl yo, menm jan li tap mennen l, bay tèt la. Men, lè li te vin nan tèt la, li te pòtre krache ak Bondye. Li tap dekri tèt li. Answit, li te frape pou nou, kounye a Li se chèdèv la pou nou, kado Bondye, Jezikri, lavi etènèl. M espere ke n pa janm bliye sa.

76 Kòm nou wè jou yo ap sonbre, menm jan nou wè lonbraj yo ap tonbe! Lè, m te predi, "Jis kèk tou solèy la an plis. Nasyon sa a fini. " Èske w konnen ... Yè(hier), kat jiyè. Thomas Jefferson te siyen deklarasyon endepandans lan, li menm ak lòt komite ki te avè l la, epi klòch Libète a te sonnen, e nou te deklare on endepandans, kòm on nasyon. Selon listwa, pa janm te gen okenn demokrasi ki dire plis ke de san zan. E Sete 1776, le 4 jiyè. Epi nou jis rete onz an. Èske l lap fin pa rive? Non li pa kapab, ou wè. Onz an. Epi, si sa ta fèt, li pral brize tout listwa.

77 Epi nou wè kondisyon tan an. Nou wè kondisyon moun yo. Nou wè kondisyon politik la. Nou wè kondisyon mond lan. Li pa ka kanpe. Li dwe koule, tankou Titanik la. Li dwe efondre,

paske yo bay plas yo a. Yon nasyon bay plas a on lòt, pandan ke lap tonbe. Epi wayòm sa a dwe tonbe, e tout lòt wayòm yo, pou bay plas a Wayòm sa a k ap vini an, ki pap ka tonbe. "Paske nou resevwa on Wayòm ki pa ka branle," atravè imaj pafè Bondye, chedèv la.

78 Bondye, lè I te gade I, li te tèlman enspire! Li te tèlman ... pou wè I jan I te parèt, epi pou wè fòm li, li te tèlman enspire ke I t ap chedèv pafè on Redanmtè, Jezi Redanmtè a. Konsa, Bondye, pou I te ka frape, li menm; paske, pou peye pwòp penalite I, Bondye ak Kris te vin fè yon sèl, konsa Bondye te ka frape nan Imaj la, Li te kab gen mak. Se poutèt sa Ezayi te di, "Nou te estime li te frape e aflije pa Bondye. poutan, li te blese pou peche nou yo, li te blese pou inikite nou yo; chatiman lapè nou an te sou li, e ak mak sou kò I yo nou te geri. "

79 Imaj pafè a, Bondye-Hòm nan ! Bondye, nan en morphe , te chanje de Sinatirèl a vizyon an, e vizyon an te projte nan Imaj la. Epi Imaj la te frape, pou ke Sinatirèl la te kapab goute sansasyon lanmò, chedèv pafè Bondye a. Li pa t 'kab fè I nan Moyiz. Li pa t kab fè li nan pwofèt yo; Ezayi, ki te siye ak si sa yo, jouk li te koupe an miyèt moso. Li pat ka fè I nan pwofèt yo ki te kalonnen ak wòch. Li pat ka fè I, paske li pa t' kab santi I; te gen jis yon pòsyon L. Men, nan chedèv pafè sa a, Li te plenitid Divinite a kòporèlman. Li pa t kab sèlman pwojte Moyiz; Li te kab pwojte tout Limenm annantye nan Moun sa a, epi goute lanmò pou tout ras imen an. Chedèv pafè Bondye a! Bondye, tèlman enspire lè I wè I, Li vin Redanmtè tout laj yo; pou pale pou sila ki nan tan pase yo, ki te la anvan, e kounye a.

80 Tout pwomès yo te akonpli nan li. Li te pèfeksyon de pèfeksyon an. Tout tips yo te akonpli nan li; Paran Redanmtè nou an, nan Rit ak Boaz; moun ki bay lalwa nou an, nan mòn Sinayi; Pwofèt nou an, ki soti nan dezè a, alòs ke I soti nan mòn lan, menm jan li soti nan dezè a; menm jan Li soti nan letènité epi vin moun, Imaj pafè a!

81 Bondye, atravè aj yo ap desann, t ap fè plas, pa patryach yo, pou I te ka poze baz Li, epi Li te bati yo apati de diferant bagay, kote L te vle etale fondasyon sa. Se sou sa Li te kòmanse konstwi Pawòl Li, sou pwofèt yo. E apre sa, finalman, sa te abouti a Pwofèt pafè a, Fondasyon pafè a, vizyon pafè Bondye te genyen an.

82 E kounye a, pou sa te ka pale, Li se Pawòl la. E pou Pawòl la ka pale, Li dwe antre nan Imaj la. E apre sa pou Imaj la ka pale, yo dwe frape I. Li antre nan Imaj la, e alò Li te ka pale, Redanmtè pafè a.

83 Tout tip Ansyen Testaman yo ou te jwenn yo nan Li. Jan m te di lòt jou a, Jewova Ansyen Testaman an se Jezi Nouvo a. Wi.

84 Tankou anpil lan nou, mesye yo, ki laj mwen; nou abitye gen, toupatou nan peyi a, on bann dray klining Chinwa. Kan Chinwa yo te fèk kòmanse, yo te soti nan Kot Wès, ap deplase nan

lès, yo t ap vini soti nan peyi Lès yo, ap deplase nan direksyon sa. E pandan yo t ap fè sa, yo t on pèp ki pat abitye ak langaj nou ak mannyè nou, men yo te trè bon lan netwaye rad. E yo patka ekri resi yo pou w te ka reklame rad ou yo.

Men, Chinwa a, li te prepare limenm on bann ti kat ki pat gen anyen ditou sou yo. Kifè kan w te vin chache rad ou, li te konn pran kat sa pou l dechire l on fason; e li te konn remèt ou on pati, e li te konn kenbe lòt pati a. Epi, bon, s on ti jan mye ke sa nou genyen kounye a, paske lè w te konn retounen pou reklame sa k pa w la, de pati sa yo te dwe ale ansanm. Ou patap ka imite l si w ta dwe. Pat gen ankenn fason pou fè sa. Ou ka fè kopi lèt alfabè, men ou paka imite tras dechire sa. Sa te dwe ale ekzakteman ansanm ak lòt pati a. Kidonk, rad sal ke w te mennen yo, ou te ka reklame yo ak resi sa, poutèt li ale ansanm ak pati resi ki te rete a.

85 E kan Bondye, pa pwofèt yo, e sou lalwa, te kondane nou poutèt peche; e lalwa pa gen ankenn gras, li sèlman di w ke w s on pechè. Men lè Jezi te vini sou sèn lan, Li te akonplisman, Li te a—akonplisman tout bagay Bondye te pwomèt. Li te imaj pafè, idantik ak pwomès la. Kidonk, tout pwomès Ansyen Testaman yo ou te jwenn yo nan Jezikri. Ou patka jwenn yo nan Moyiz, ou patka jwenn yo nan ankenn pwofèt yo, men ou te jwenn yo nan Che Dèv la. Li te ale ansanm ak sa L te di Li ta pral ye.

Konsa tou Legliz pral selon tout sa Bondye te pwomèt. Li dwe pati ki te dechire nan Li a. Konsa si orijinal la se Pawòl la, se konsa sijè ki te soti nan Li yo va Pawòl la, pou ale ansanm ak bò kòt Li a.

86 Pa konsekan, pou Chinwa a, ou ka reklame...Kote, lalwa te kondane w pou di ou sal, e ou koupab, e l te ka mete w nan prizon. Men kan Li te vini, Li te Pati-ki-ale ansanm lan pou sa, sa ki te ka fè w soti a; e mennen w tounen an, pou—pou konplete resi a, redanmsyon an ke Bondye te pwomèt laba nan jaden Edenn lan. “Semans ou va kraze tèt sèpan an. Men, talon L va blese—blese tèt li.”

87 Kounye a nou jwenn Che Dèv pafè sa ke Bondye te konplete a. Bon, nou remake ke Li te tout sa ke yo te pwomèt. Li se tout pwomès yo, tout pwofesi yo, tout sa Bondye te itilize pou fè yon pwomès. “Semans ou va kraze tèt sèpan an.” Bon, Li patka kraze l ak lalwa, Li patka kraze l ak pwofèt yo, men Li te ka fè l è Semans fanm lan te vin Che Dèv la, Kris. Li te Wòch Danyèl te wè a ki te detache soti nan montay la. Li te Sila ke yo te ka frape a. Li se Sila ki te ka kraze, kraze tèt sèpan an.

88 Vi L te koresponn, ekzakteman, ak vi Moyiz. Vi L te koresponn ak David. Ann wè si se te vre, si Li se Pati-ki-koresponn lan.

89 Remake David, on wa yo rejte, ki t ap reye sou pwòp pèp li. Li te...On jou pandan li te...Pwòp pitit li te pwovoke on soulèvman kont li, e li te separe epi divize ame Izrayèl la. E David, li te, yo te kondwi l, oswa pwòp pèp li te retire l, sou twòn li.

E pandan li t ap soti, te g on nonm ki te rayi l, e li te avanse la, ap krache sou David. Sòlda sa te soti epe l, li te di, "Pou m ta kite tèt chyen sa sou zèpòl li, ki te krache sou wa m lan?"

David te di, "Kite I trunkil. Bondye pèmèt li fè sa."

90 Èske n pa wè? "On nonm nan doulè, abitye ak soufrans. Li prezante L tankou on brebi, devan sa ki t ap pran lenn li, ret bèbè." Yo...Li te di sa. Petèt David pat konn sa l t ap di.

Men apeprè senk, sisanzan pi ta, oswa on tikras plis, Fis de David la t ap pase atravè menm lari sa yo, e yo te krache sou Li. Men remake sa k te rive lè, David, te deyò—deyò...lè li te nan kouri; an ekzil, kan li—kan li te retounen, nonm sa t ap sipliye pou l gen lapè ak jwenn mizèrikòd. Men sa yo ki te frape L yo va wè L on jou kan L va retounen.

91 E nou jwenn apre sa, nan Jozèf, ke Jozèf te yon jenn gason ki te g on nesans biza, se dènye, pati anwo fondasyon an, sou sa yo te bati che dèv la. Li te kòmanse avèk Fwa, epi lanmou, epi gras, li te rive nan pèfeksyon. E menm jan an li te fè sa, depi nan pye a nan kòmansman, t ap avanse nan pèfeksyon nan Kris. Remake kouman Li te reprezante L nan Jozèf, tèt fondasyon an, sa k te pi pafè nan yo tout la.

92 Nou jwenn ke Jozèf te fèt nan fanmi li. E li te vini pa fanm lejitim lan, an reyalite, ki te madanm Jakòb. E remake, tou, kan li te fèt, papa l te renmen l; e frè l yo te rayi l, san rezon. Poukisa yo te rayi l? Poutèt li te Pawòl la.

Ou wè fondasyon an menm? Gade kouman tèt fondasyon an te vini? Bon, gade Tèt kò a, k ap vini. Kounye a obsève Tèt Epouz la k ap vini. Li te Pawòl la.

E yo te rayi l poutèt li te on vwayan. Li te konn wè bagay, e li te konn di yo. Sa te konn rive. Pe enpòt jan sa te konn pran tan, sa te konn rive kanmenm. E poutèt li te espirityèl, yo te eskominye l pamí frè l yo. Yo ta dwe renmen l. Men yo te rayi l, poutèt li te on pwofèt e ke li te espirityèl. E yo te rayi l.

93 Remake, yo te vann li pou prèske trant pyès an ajan; yo te jete l nan on fose, e li te mouri an aparans, men yo te retire l soti nan fose a. E nan moman tantasyon li, nan prizon an; moun ki te konn sèvi diven an ak sa ki te konn sèvi pen an—an, nou konnen sa pou diven an te sove e sa pou pen an te pèdi. E nan peryòd Kris te nan prizon an, sou kwa a, youn te sove e lòt la te pèdi; de vòlè yo, de malfektè yo.

94 E nou remake li te soti nan prizon, pou vin bra dwat Farawon; ke pèsonn patka pale ak Farawon, sèlman atravè Jozèf. E lè Jozèf te konn kite twòn Farawon, twonpèt te konn sonnen atravè Lejip, son an te konn ap klewonnen pou di, “Ajenou, tout moun, Jozèf ap vini!”

95 Se konsa sa va ye avèk Jezi. Se pa tikras renmen Papa a pat renmen L, e frè nan denominasyon sa yo te rayi L, san rezon. Yo te vann Li pou trant pyès an ajan, jan sa te fèt la; e yo te jete I nan fose a, aparaman li te mouri. Sou kwa a; youn te pèdi e lòt la te sove. E Li te kite kwa a; e Li te tabli adwat Bondye, nan Majeste I, se gran Lespri a ki t ap reflete nan Li. E pèsonn paka adrese Bondye, ke sèlman atravè Jezikri. Panse a sa! E kan Li deplase kite Twòn sa, kòmanse ap vanse, “Twonpèt la va sonnen, e chak jenou va flechi e chak lang va konfese.”

96 Sonje, li te pitit pwosperite a. Chak sa I te fè te pwospere. Ke se swa nan prizon, ou kèlkeswa kote a, sa te soti byen.

E èske Li pat pwomèt timoun Li yo ke Li va fè tout bagay fonksyone pou byen? Ke se swa maladi, prizon, lanmò, tristès, kèlkeswa sa I te ye a, ke sa pral travay pou byen sila yo ki renmen Li. Li te pwomèt sa, e sa dwe fèt konsa. Sa dwe la. S on fòm, Li t ap pale a nou nan Li. Li te lmaj pafè Bondye a. Bon nou wè la, tou, ke lè Li va vini ankò...

97 Sonje, Jozèf pa revelasyon te sove mond lan, gras a gwo pwofesi I la. Mond lan te kab peri si se pat Jozèf.

Epi mond lan te kab—te kab peri si se pat Jezi. “Paske Bondye tèlman renmen mond lan, ke Li te bay yon sèl Pitit cheri Li a, pou ke nenpòt moun ki kwè nan Li a pa peri.” Bondye t ap prezève Lavi.

98 Nou te ka kontinye ankò e ankò! Paske, Li te senpleman korespondan David la. Li te korespondan Moyiz la. Li te korespondan Eli a. Li te korespondan Jozèf la. Tout bagay s on imaj oswa on anons davans pa Limenm nan Ansyen Testaman, ki te byen tonbe nan sa, (kisa sa ye?) sa t ap montre on Redanmtè pafè. Ke, nou kapab mete vye rad sal nou yo nan dray klining lan, al reklame I ankò. Sa te lave nan San Ayo a. Nou ka reklame sa k pou nou. E tout bagay ke Li te mouri pou li, nou ka reklame I. Kifè, Li te Pawòl pafè a, sou fòm imaj.

99 Sa te fè Bondye plezi, gran Eskiltè a, pou te frape Li, e pou te fè I fason sa. Nou wè L nan Ezayi la, pandan m ap li la, “Nou tout te estime L, nou te tounen figi nou pou evite L. Pa gen okenn bote ke nou te wè nan Li,” tout moun ap pale de Li, ap moke L. M ap pale de Li kounye a nan jounen sa, tout moun ap moke L. Ou wè? “Nou te estime L, nou te wè L.” *Estime vle di “gade.”* “Nou te estime L kòm frape epi aflije pa Bondye.” Poutan, Limenm, kisa L te fè pou merite sa? “Li te blese pou dezobeyisans nou; Li te brize pou inikite nou.”

100 Kounye a, nou ka kontinye ankò e ankò avèk sa, men m kwè ou sezi imaj sa m vle di kounye a, Bondye ki ap bati ankò Che Dèv Li a.

101 Men ann pa bliye ke nan kòmansman kan Li te frape bò kòt Adan, Li te f on bagay soti bò kòt li.

Bon, frapman Kris la se te pou on koz, on sèl, se pou L te ka fè soti nan Li, Lepouz, pou L te g on fanmi; pou L te ka pran pou Tèt Li on Epouz. Kidonk kan Che Dèv Li a te pafè, alò Li te dwe frape L, pou te retire soti nan Li; pa on lòt pati, pa on lòt kreyasyon, men pran nan menm kreyasyon an.

102 Frè mwen, pa panse mal de sa, men reflechi on minit. Si L te fè soti nan Li, kreyasyon orijinal la, pou L te fè Lepouz pou Limenm, Li pat janm fè on lòt kreyasyon. Li te pran on pati nan kreyasyon orijinal la. Alò, si Li te Pawòl la, kisa Lepouz dwe ye? Li dwe Pawòl orijinal la, Bondye vivan an nan Pawòl la.

103 Kimberley, an Afrik Di Sid. Yon fwa m t ap gade dyaman, kouman yo te ekstrè yo anba tè. E m te wè yo blayi la. Ebyen, kòm, siveyan an chèf izin lan—lan, ou pito min lan, se te youn nan moun k ap plase moun pou mwen nan liy priyè a. Epi m te remake dyaman yo, ki estime a dè dizèn de milye dola, te anpile ansanm, men, yo pat menm ap briye anba limyè. E m te di siveyan an chèf min lan, m te di, “Poukisa yo pap briye?”

104 Li te reponn, “Mesye, yo pokoupe yo ankò. Yo dwe koupe yo. Apre sa, kan yo fin koupe yo, alò yo reflete limyè a.” Men ni.

105 Che Dèv la dwe koupe. Remake, koupe poukisa? Èske pati koupe a te jete? Non, non. Pati ki koupe a, yo f on egwi toun-disk, e egwi toun-disk la yo mete l sou on—on—on disk ki bay mond lan mizik ou pa wè. Men egwi a se sa ki fè l soti, pou fè soti vrè entèpretasyon Pawòl la.

106 Vi L te byen tonbe pou tout pèp. Sa te fè Bondye plezi pou L te frape L. E, kounye a, poukisa Li te frape L? Pou menm rezon Li te oblige frape Adan an.

107 Bon nou wè Li yo te frape, Bondye te frape L epi aflije L, Ayo pafè a sakrifye pou pechè—pechè a, on Che Dèv pafè.

108 Kounye a, pandan prèske de mil lane, Bondye a nouvo t ap konstwi pou Limenm on Che Dèv. Paske, Li te frape Adan pou L te g on ma—...on pati soti nan li, on pati de li, on kòt pou fè on madanm pou li. E kounye a Che Dèv pafè sa Li te frape sou Kalvè a, Li te jwenn on pati soti nan Li. Se jis Nouvo Testaman an, Se tou. Li te akonpli Ansyen Testaman an. Kounye a se Nouvo Testaman an, on lòt pati ki dwe akonpli. Ou wè, Nouvo ak Ansyen an se tankou

madanm ak misye. Ou wè? E sa te pran Nouvo a pou pre-...Ansyen an predi Nouvo a; Kris te vini, Che Dèv la, pou akonpli sa. Bon Epouz Li va akonpli tout bagay ki nan Nouvo Testaman an. On lòt Che Dèv an konstriksyon.

109 Kòm sa te pran L kat mil lane pou L te fè Che Dèv sila a; kounye a Li la, depi prèske de mil lane ap f on lòt Che Dèv, on Epouz pou Kris, on lòt Che Dèv. Pandan ke sa ap fèt, Li ap fè sa avèk metòd Li ki pa janm chanje a, menm fason Li te fè Che Dèv la; Pawòl Li. Se fason sa Li fè Che Dèv Li yo, paske Li dwe sèlman on Che Dèv pafè kan Se Pawòl pafè a.

Tout enjeksyon salte, fatra, sa ap detwi. "Men syèl la ak tè va pase, men Pawòl sa pap janm detwi." Ou sonje, lè w ap koupe on dyaman, ou dwe g on zouti pafè pou fè sa avè I, se pa jis nenpòt pyès ki va fè sa. M te wè dè tòn nan yo gwo aparèy detwi drèt pandan y ap pase, e yo te retire gwo pakèt tòn anpile sa yo, pou te fè dyaman sa pase atravè sa. Non, li paka brize dyaman an. Yo dwe koupe I.

110 Kounye a L ap fè menm bagay la ak metòd Li ki pa janm chanje a. Nou jwenn nan Malachi 3, Li di, "Mwen se Bondye, e Mwen pa chanje." Li paka chanje metòd Li.

111 Bon, konsa Li te kòmanse nan Abraham. Apre chit premye che dèv la, Li te kòmanse nan Abraham, sou on fondasyon, pou bati on lòt che dèv.

Li te kòmanse jou Pannkot la, ap bati on lòt Che Dèv, Semans orijinal la, Pawòl la. Li te kòmanse nan premye Legliz la. Kisa sa te ye? Semans lan, Pawòl la, Pawòl manifeste a, pwomès ki te bay la. Jowèl di, "Sa va rive nan dènye jou yo, Bondye te di, Mwen va vide Lespri M sou tout chè; pitit gason ak pitit fi nou yo va pwofetize, moun aje yo va fè rèv, jenn jan yo va gen vizyon." Kisa L va fè nan dènye jou yo, de yo, de dènye mil an yo.

112 Remake, e sa te kòmanse ap deplwaye tankou orijinal la. Jan Jezi te di a, "Pawòl Bondye a s on Semans ke on semè te seme." E se Li ki te Semè a. Semans lan se te Pawòl la. E, remake, tout semans ki ret poukont li pa janm fè anyen. Li dwe tonbe nan tè a pou I ka repwodwi ankò. E Semans sa, Legliz pafè sa, te tonbe nan tè nan Nise, Wòm, kan I te vin on denominasyon.

113 Bon, istoryen yo, sonje. E oumenm ki pral tandé bann sa, verifye I pou wè si se pa vre. Legliz te mouri nan Nise, Wòm, kan I te pran dògm ak kredo, olye de Pawòl orijinal la. Kisa sa te ye? Bondye t ap montre, pa premye Legliz sa, ke Li te Bondye. Li te g on Legliz pèfeksyone; men Legliz, tankou tout lòt semans, dwe tonbe nan tè a pou I mouri. Bon, li te tonbe nan tè a, epi li te mouri, e li te tounen pousyè.

114 Ou konnen, m te li on liv, la sa pafè lontan. On moun te ekri on—on liv, pou di, *Bondye ki fè Silans lan*. Petèt ou te li I. M blyie, M—m kwè se Brumback...Non, se pa sa, m pa sèten ki moun ki te ekri I. Men m paka sonje. M genyen I nan biwo m. *Bondye ki fè Silans lan*, li te di, "Bondye, pandan mil lane aj tenèb yo, te fè silans pa janm bouje on ti dwèt, pou ap gade mati fidèl yo pral nan fòs Lyon; epi Women ap boule yo; tout sòt de asasinay; yo te dezabiye fanm yo, pou te met dife nan cheve long yo a, ak goudwon, pou boule yo." Sonje, cheve kout te kòmanse a Wòm an premye. E fam Kretyèn yo te gen cheve long, kifè yo—yo te konn tranpe yo nan goudwon pou met dife ladan yo, epi boule yo, toutouni; fè Lyon manje yo. E ekriven sa te kontinye pou di, "Ki kote Bondye sa ye?"

O, avègleman lòm, pafwa! Èske w pa konnen ke Semans sa te dwe mouri? Li pat janm eseye delivre yo. Yo te desann nan viktwa. Yo te desann, ap senyen ap mouri, ap bay vi yo. Poukisa? Se t on Semans. Li te oblige tonbe nan tè a, tankou, an premye, Jan 12 di nou an. "Grenn ble a, li dwe tonbe nan tè a pou I mouri la; epi non sèlman mouri, men pouri." Men denominasyon sa te konnen jis on tikras sou Vi sa ki te ankò anndan la. Menm si legliz limenm...

115 Nan konsil Nise sa, ki te kenz jou deba politik sanginè, kan aristokrat yo te antre e te vle enjekte gwo diyitè sa yo anndan legliz. E pwofèt te soti nan dezè sa la, ap manje fèy ak kò yo vlope nan po bét, pwofèt otantik, e yo te jete yo deyò. Poukisa? Semans lan te dwe tonbe nan tè a. Li dwe mouri.

116 Li te mouri nan aj tenèb yo, antere anba pousyè sonb. Yo te panse ke se te fini. Ou konnen, Sen Jan 12 :24, Jezi di, "Eksepte si grenn ble a tonbe nan tè a, li ret poukont li." E premye Legliz la se te repwodiksyon sa, Epouz sa, Semans sa, Pawòl sa manifeste, ki te tonbe nan tè a nan Nise, Wòm.

117 Koute, Legliz, atravè nasyon yo ki pral tandé sa. Men pousyè w la, se denominasyon sa yo. Men ki kote Pawòl la te krisifye a, e yo te aksepte dògm. E pandan dè santèn e dè santèn dane aj tenèb, Pwisans ak manifestasyon Pawòl la te kache pou le mond. Se sèl Katolisik ki t ap dirije. Nou tout konn sa, alò ke n ap li listwa. Se sèl Katolisik ki t ap dirije.

118 Men, ou—ou paka kache on Semans ki jème, Li dwe pwodwi paske (poukisa?) gran Eskiltè a ap travay. Li pral konstwi ankò. Kifè Li...

Semans lan te desann, Pawòl la.

119 Kan nou wè Sen Pòl, Pyè, Jak, Jan, tout sila yo ki te ekri Pawòl la. E yo te ekri, Pawòl yo te ekri a te vin pran vi, pou I viv, e Li te viv. E kan nou jwenn, apre I te kòmanse mi, Jan te kòmanse ekri sou fòm epit, yo te jete I sou il Patmòs apre yo te fin bouyi I nan lwil pandan

venn katrè. Men Pawòl la dwe pwodwi. Yo dwe ekri l. Yo patka bouyi Sentespri a soti nan li, nan lwil, konsa li te pwodwi. Travay li pat fini. Li te mouri mò natirèl.

120 Polikap, ki t on disip Jan, te kontinye ak Pawòl la. E de Polikap Irene te vini. E Irene, gran t òm Bondye sa ki te kwè menm menm Levanjil nou kwè a, "Pawòl la mi." Legliz ap eseye met presyon pou L soti.

121 Finalman sa te rive nan Nise, Wòm, epi la li te tonbe nan tè a, apre yo te fin asasinen, Sen Maten. Sen Maten te kwè menm bagay nou kwè a. Li te pran pozisyon pou menm bagay la; batèm Sentespri a, batèm dlo lan Non Jezi a. Li te pran pozisyon pou menm menm bagay avèk nou. E li t on pwofèt, e l te kwè tout Pawòl Bondye a. E finalman yo te krisifye yo, epi kraze yo nan tè a, e yo te etann la pandan dè santèn dane, jouk sa te pouri a leksteryè, Semans lan. Vye kadav yo te pouri fini. M t al Sent Anjèl, kote katakonb yo ye a, pou wè kote yo te mouri a, pil zo brize ak tout bagay. Yo te finalman pouri jouk zo yo te fini, men Lavi te toujou la.

122 Grenn ble a ki te tonbe nan tè a...nan Konsil Nise a, te kòmanse ap pouse ankò, nan Martin Luther. Tankou tout gress mayi k ap monte, oswa gress ble; apre semans lan te fin pouri, lavi t ap pouse soti. E li te kòmanse ap pwodwi nan Martin Luther. Kisa l te fè, kòm premye bagay? Rejte denominasyon Katolisis la, li te pwoteste ke se te fo. Paske, li te di, "Jis la va viv pa lafawa." Kisa sa te ye? On ti vi fèb ki t ap pouse kèk ti branch. Sa se te Luther. Se sèten li pat sanble ak gress ki te tonbe nan tè a, men Lavi te kòmanse ap soti kounye a.

123 Apre sa li vin on ti plant ble. Answit sa k te rive? Nan tan John Wesley, kisa l te fè lè l te mennen sanktififikasyon? Li te rete ak Pawòl la. E kisa sa te fè? Literyen yo te òganize yo pou f on òganizasyon, konsa li te tan pou on bagay te rive. Che dèv la t ap konstwi kounye a. Kisa sa te fè? Kisa sa te fè? Li te pwoteste kont legliz Anglican sa, li te soti nan mouvman refòm lan tankou on ti touf ponpon. Kisa l ye? Semans lan ap vin nan Lavi, ap pouse kounye a.

124 Kounye a, ti plant ble an pa sanble ak semans lan, ni ti touf ponpon an.

125 Bon, frè Pannkotis atravè nasyon an, m vle w tandé, frè mwen. Si sa se dènye Mesaj ke m va janm preche, Sa se che dèv pa m. Èske w remake kan ble a...grest ble ki te tonbe nan tè a, kan l te kòmanse ap fòme ankò pou vin retounen semans—semans li ankò?

126 Obsève lanati. Lanati, egzakteman, se Bondye. Bondye ap travay nan lanati, se tout sa L ka fè. Men apati de revèy Pannkotis, jan yo panse a, se te Semans lan. Bon siveye sa Jezi di, nan Sen Matye 24 :24, ke, "De espri yo nan dènye jou yo va tèlman pwòch ke sa taka sedwi Eli a si se te posib."

127 Bon, ti branch sa pat gen anyen pou on semans; ti touf ponpon an non plis pat sanble a on semans. Men remake la, se pat nan jou Luther a, men nan dènye jou a.

128 Premye bagay la. Gen kiltivatè ble ki chita la. Premye bagay ki parèt nan on semans ble, ou va prèske panse ke se t on semans, men (kisa sa ye?) se anvlop-bal la. Li fòme on ti bagay pa deyò, tankou, pou gade semans lan. Li fòme on anvlop. Men anvlop la pa semans lan, ti branch lan ak ti touf ponpon an non plis. Se sèlman on transpòtè lavi, ki vle di, gress ble a. Sen Jan 12, ou wè, Jezi k ap pale.

129 Ble a, apre ti touf ponpon an (apre Wesley), ki te boujonnen anvlop la, ki se prekisè semans nenpòt lòt bagay la. Anvlòp la plis sanble ak semans lan. Lap vin de plizanpli tankou semans lan tout tan, sila a ki te tonbe nan tè a. E kan I te pouse, ti branch lan, li te gen Lavi ladan I, men se sèten se pat semans lan. Ti branch lan te pouse, polèn lan, se potko semans lan. E apre sa ou te vin jwenn anvlop la, e li te jis gen fòm ble a, jis egzakteman tankou gress ble a, men poutan se pat ble a. Jis egzakteman nan menm fòm lan, pafètman.

130 Pannkotis yo te soti menm jan ak ble a. Yo chak te soti youn de lòt, te soti nan lòt la, men yo te sèlman on transpòtè. Yo te tonbe nan denominasyon. E se sa Pannkotis te fè, te tonbe nan denominasyon. E kisa Pannkotis te fè kan sa te soti jis tankou semans lan? Li te retounen, tankou nan Apokalips 17, al jwenn youn nan denominasyon sè pa I yo. Se egzakteman sa. Se sa Jezi te di.

131 Kounye a obsève. Levanjil la ta pral soti atravè Luther, atravè Wesley, pou abouti nan Pannkotis, e nan dènye jou yo li va sedwi menm Eli a si se te posib. Eli a! O, frè Pannkotis, èske w paka wè?

132 Ble a nan premye debi li te jis tankou semans lan, kan I te kòmanse ap fòme tankou semans lan, men se te anvlop la. Li te tounen denominasyon, te fè egzakteman menm bagay yo te fè anba la nan tan Luther. Nan Apokalips 17, sa pwouve menm bagay la, pou legliz yo.

133 Kounye a, gress Semans lan, nan orijin li, te tonbe nan Nise, paske se te premye denominasyon an.

134 Remake la, Vi ki te nan ti touf ponpon an, ti branch lan, yo tout te abouti nan Semans lan. Lavi ki te soti nan Semans orijinal la, te pase pa diferant etap (twa diferant etap), e answit li te retounen jiska kondisyon orijinal Li. Alelouya! O, la la! M se moun ki pi kontan nan mond lan, dèské Bondye te kite m wè Sa. Obsève kouman Pawòl la pafè e kouman bagay sa yo (lanati) travay ansanm.

135 Jis tankou nou ka pwouve rezirèksyon an; leve, solèy la; kouche solèy la; leve ankò.

Fèy la soti nan pyebwa, tonbe, sèv la anndan rasin lan; epi li retounen monte, e—e fèy la retounen avè I ankò. Li tonbe atè; vi nan pyebwa a souse I ankò, kalsyòm lan ak potasyòm lan, epi fè I monte vin on lòt fèy ankò.

Ou wè, tout lanati, tout bagay ale avèk—avèk Pawòl Bondye a. E men ni, egzakteman, pafètman nan aj Legliz sa yo. Se pou rezon sa Sentespri a te desann epi desine bagay sa yo, pou te fè yo soti pou nou jan L te fè I la. Se egzakteman sa.

136 Remake, la, Vi ki te nan anvlòp la. Nan ti touf ponpon an, e nan ti branch lan, nan anvlòp la, yo tout te reyini nan Semans lan. E vi ki te nan ti touf ponpon an, te pati ale, youn te al fè lòt la. Jistifikasyon, te fè chemen pou sanktifikasyon; sanktifikasyon, te fè chemen pou batèm Sentespri a; batèm Sentespri a, te fè chemen pou Sentespri a Limenm vin desann nan pèfeksyon, retounen jwenn Pawòl la ankò, pou manifeste L Limenm.

137 Men, sa k te vin denominasyon an, mouri. Tankou Lavi, nan tan Luther, te pati al fè Wesley; e—e, de Wesley Li te al jwenn Pannkot; e, de Pannkot, pou fè Semans orijinal la. Ap kontinye Pannkot, ki te soti de Wesley, jouk nan tan sa. Rezon k fè Pannkot te soti de Wesley, se paske se pat on denominasyon, Pannkot te sa. Apre sa Pannkot te abouti a denominasyon, e (kisa sa te fè?) li te retounen anvlòp la. Li te sanble ak vrè Bagay la.

138 Epi, tout moun, konbyen moun ki te deja wè on semans—on semans ble ki kòmanse ap pouse? Kisa ki premye ti bagay la? Se jis egzakteman tankou semans lan, men se anvlòp la.

Konsidere twa etap yo? Ti touf tankou ponpon an; ti branch lan, oswa polèn lan; apre sa anvlòp la; e answit, apati de anvlòp la, ou jwenn Semans orijinal la. Ou wè? Pa on Semans; se te Vi Semans lan, ki ap grandi atravè sa, pou retounen Semans lan. Amèn, amèn! Èske w sezi I? Kisa sa ye? On rezirèksyon, k ap retounen vin on Che Dèv ankò, tankou Sila ki te pati a.

139 Pannkot te soti de Wesley, paske Wesley t on òganizasyon. Pannkot te soti, san okenn òganizasyon, e apre sa vin tounen youn. Li te oblige, pou I te sèvi kòm anvlòp. Vrè Pawòl Lavi sou sa, te nan wout alò pou I te vin Semans orijinal la, atravè etap sa yo. Atravè ti touf tankou ponpon an, apre sa nan polèn lan; de polèn lan, nan anvlòp la; epi de anvlòp la, Li te vin Semans.

140 Non, Ti ponpon an, anvlòp la, pandan yo te vivan, yo te pwodwi (nan kòmansman revèyo a) on vesò pou gade on kantite pòsyon Semans Lavi a; men, kan yo te òganize, Lavi te soti kite yo. Tout listwa te pwouve sa. Jamè on òganizasyon pat janm f on bagay apre I te fin òganize. Se te lanmò. Se vre.

141 Obsève, Lavi t ap vwayaje kounye a. L ap avanse.

142 Remake, sa yo te fè, tout sa ke sila yo te fè, listwa te pwouve sa jis egzakteman fason legliz te vin ye a, sa pat janm te itil Li ankò. Òganizasyon te depoze sou etajè. Pat janm te g on legliz, nan tout listwa, apre l te fin òganize, ki te fè anyen lòt ke mouri. E òganizasyon an te mouri pou l pat janm resiste ankò. Èske w paka wè l? Moun avèg yo, louvri jye nou! Lanati ak Pawòl la ap kolabore ansanm pou ap pwouve drèt la ke Sa a se Laverite, ke se Laverite. Lavi sa kite ti ponpon an, pou vin ti branch lan; de ti branch lan, Li te fè anvlop la; e de anvlop la, Li retounen nan Orijinal la ankò. Remake, jamè itil pou Li ankò.

143 Se pa tikras remakab vi sa ye, nan vwayaj li nan gress ble a, ke li ye nan pyebwa a. Bondye te konpare pèp Li tankou on pyebwa; ou wè, vi a desann, nan on pyebwa, epi li retounen monte; desann epi remonte; ou wè, li desann epi retounen monte. Men, nan gress ble a, li te monte de ti branch orijinal la...atravè ti branch lan, ti ponpon an, epi anvlop la; e bagay ke li te pase atravè l yo, te mouri, konsa li patka retounen travèse yo ankò. Kisa sa ye? Sa pa itil ankò. Li te kontinye al jwenn pèfeksyon l.

Amèn! Èske w pa wè poukisa Li pat janm itilize on òganizasyon? Li paka retounen ladan l ankò. Sa mouri. Men Lavi ap pase, de youn a lòt. Ou wè, yo te mete kredo, epi enjekte l. "Nenpòt moun ki va ajoute on mo, oswa retire on Mo," ou wè, li te andeyò de Sa. Sa dwe Vi Semans lan ki ap vwayaje.

144 M ap itilize sa nan yon parabòl kounye a, sou Lepouz la, Chedèv la k ap vini an. Kòm Chedèv la te tonbe, gen yon Chedèv k ap leve. Chedèv la te tonbe Pann...a Nise, Wòm, a Nise. Apre Nise, Wòm, Li pase nan yon pwosesis, men L ap retounen drèt ankò a Chedèv sa a, pèfeksyone, paske Li se yon pati Pawòl sa a ki te pwononse pa Li a. Li va gen "yon Legliz san tach ni rid." Li p ap konekte okenn fason ak okenn sòt òganizasyon oswa denominasyon, bagay ki modi a. Li pase atravè bagay sa yo, men sa p ap janm la.

145 Remake, semans lan ap monte, Lavi sa a ap monte, pa fè bak. P ap gen lòt rezirèksyon ankò apre sa. Lavi a ap monte, pou l rive nan pèfeksyon li, yon rezirèksyon.

Remake, bal la pouse...Remake, bal la pouse Semans orijinèl la soti nan li. Nan Apokalips, chapit 3 a, nou jwenn sa.

146 Kounye a sonje, pa gen okenn lòt legliz kote yo te pouse L soti deyò, nan Bib la, pam Sèt Aj Legliz yo. Konbyen moun ki sonje sa? Li te pase atravè L'Aj Legliz la, pou ale pi devan pou fè yon lòt bagay. Men, Se Sa. Pa gen okenn lòt. Men Eskiltè a--a retounen ankò nan pèfeksyon, Pawòl la. Ou wè? Pa tounen dèyè. Ala Sa diferan. Wi. O!

147 E remake alò, bal la, lè li pouse, li jis sanble ak Gren an. Men lè Lavi Gren an konmanse kite bal la, pou l antre pou fè Gren an (Lepouz), bal la louvri epi l ekskominye Gren an. Èske se sa? Lanati, se egzakteman sa l te fè.

148 Nan--nan Apokalips 3, nou jwenn Laj Legliz Lawodise a mete L deyò. Bon, ou wè, li pat fè sa, dèyè a nan lòt laj yo, paske te gen kèk lòt bagay ankò ki pou te fèt. Sa te jis kontinye epi pase a yon lòt. Mwen di nou, pandan tout tan sa, pa gen okenn lòt denominasyon ki pou vini. Nou alafen. E yo mete L deyò paske (poukisa?) Li--Li--Li se Pawòl la, ankò. Li tankou Sila ki te tonbe laba a. Li se menm Doktrin Ian ki te vini nan konmansman an.

149 E lè Semans Pawòl la konmanse pouse, bal la ekspilse L soti nan li. Lavi kite tout lòt yo, pou swiv Li. Sa se vrè kwayan yo, yo swiv Lavi a nenpòt kote Lavi a ale.

150 Tankou an Izrayèl, yon tip pafè, si nou te gen tan; M jis gen kèk minit ki rete. Men nan yon tip pafè, nan konmansman an, tout kote Kolòn Dife sa a t ale te gen Lavi. Bondye se te Limyè a. E m pa bezwen konnen si se minwi, oswa si yo te nan yon bon plas seleksyon; lè Kolòn Dife sa a te deplase, twonpèt la te sonnen epi Izrayèl te deplase avè L.

Alelouya! E Lè twonpèt la te sonnen, Martin Luther te deplase avè L. Epi li te òganize, touye...pa tèt li limenm; moun yo ki vin aprè l la. Epi Bondye retire Lavi ki te nan sa, fè L kontinye wout li, epi blayi l nan latonb.

151 Epi men Wesley vini. Li te wè gwo òganizasyon sa a, kifè li te sonnen yon twonpèt, sanktifikasyon, yon pòsyon ki pi gran nan Pawòl la. Ou wè? Lè li te fè sa, yo te pran deplase, yo te soti dirèkteman-- soti dirèkteman nan Luther, pou antre dirèkteman nan Metodis.

152 E lè Pannkotis te wè Sa, yo te sonnen yon--yon twonpèt, se tan pou don yo retounen. Ou wè kisa yo te fè? Yo te sonnen yon twonpèt, e yo te vini. Epi yo te òganize.

Men, sonje, apre bal la, twa etap sa yo nou konnen an, pa gen okenn lòt bagay ki rete ke Gren an. O Bondye! Epi Gren an te ekspilse l soti nèt ladann. Amèn e amèn! Semans Pawòl yo konmanse fòme tèt Li Limenm, Lavi te pouse soti nan...Kounye a remake, si Epou a, konmansman an, premye a, Epou a...Sa se Lepouz la k ap vini an.

153 Sonje, Legliz la konmanse nan Lapannkot, epi Li tonbe a Nise. Li te jème, pa tankou vrè Gren an, non; se te kèk pati nan Lavi a ki te la, men li te jème yon fason pou te fè yon denominasyon. Epi li te soti nan òganizasyon sa a. Epi kisa L te fè? Epi Li t ale, soti nan òganizasyon sa a, Li t ale nan yon lòt òganizasyon, Li te pase nan yon lòt etap nan Pawòl la; jistifikasyon, sanktifikasyon, batèm Sentespri a. Ou wè? E antan Li t ap pase nan tij la epi kontinye pwosesis la, Li te kontinye vin plis.

154 Sonje, ti polèn lan sanble plis, egrèt la sanble plis ak Semans lan ke tij la. E bal la sanble plis ak Semans lan ke egrèt la. Epi bal la sanble plis ak Semans lan ke egrèt la. Men Semans lan Limenm depase sa. Ou wè? Li jis itilize sa pou transpò, pou mennen L vini.

155 Remake, Lepouz. Si Lepouz, nan konmansman an, se te Pawòl la, oswa Lepou a; epi si Lepouz la soti nan Lepou a, Li dwe Pawòl la tou. Remake, se sa Lepouz la dwe ye.

156 Poukisa, poukisa Lepouz la dwe Pawòl la manifeste, a klè? Se paske Lepouz la ak Lepou a fè Youn. Li se jis yon moso frape ki detache soti nan Li. Men Chedèv la. Li te frape. Di...

157 Mikèlanj pat kapab repwodui sa ankò. Li pat kapab refè l.

Men Bondye pral fè l. Li pral retounen ti Lepouz sa a, ki te frape a, dirèkteman bò kote Pawòl orijinèl la. E men Li, men Chedèv la, fanmi an retounen ankò nan jaden Dedenn lan.

158 Kijan Lepouz sa a pral fè sa? Kijan Ble sa a pral fè sa? Malachi 4 di, nan dènye jou yo, li t ap restore ankò, (kisa?) restore ankò menm jan ak konmansman an; retounen !! “Mwen va restore,” Seyè a di, “tout lane sa to ke gazanm lan, ak jelèk la, ak tout lòt sa yo te devore a. Mwen va restore yo ankò.” Malachi 4 di: “Li va restore kè pèp la, ak Fwa pèp la, retounen ankò bay zansèt orijinèl yo.” Ou wè? Nou wè sa jis devan nou, Egliz. Ki kote nou ye?

159 Kounye a, pandan n ap tèmine nan kèk minit. M vle nou byen reyalize yon bagay ki jis sot pase.

Malachi 4 dwe ramne, ramne a orijinal la.

160 Li te retranche nan legliz la, nan kò legliz la; li te retranche avèk Mèt Li, pou menm bi a. Li se Pawòl la. Jis menm jan ke frè Joseph yo te retranche l, paske li te Pawòl la. E frè Jezi yo te retranche L paske Li se Pawòl la. Legliz la retranche...legliz la retranche Lepouz la, paske Li se Pawòl la. Men etap ou yo ankò; youn, de, twa, ou wè, jis egzakteman.

161 Pawòl la, vivan epi an aksyon, Lepouz Bib la, pa kèk lepouz ki fèt ak men yon nonm; Lepouz Bib la, ke Bondye frape epi aflije. “Li pat gen okenn bote pou ki te atire rega nou, men poutan nou konsidere ke Bondye te frape L epi aflije L.” Se vre. Li kanpe sèl. Tout denominasyon yo retranche L, selon Apokalips 3. Li retranche nan Laj Legliz Lawodise kote L te fèt la. Ou wè? Legliz sa te fèt nan Laj Legliz Lawodise a; sa se bal la. Men si yomenm yo te ale...

162 Èske noumenm mesye Pannkotis yo nou pa ka wè sa, si lòt sa se te bal la epi li te mouri? Si lòt la (tij la) te dwe mouri, si egrèt la te dwe mouri, konsa bal la dwe mouri; twa etap òganizasyon yo.

163 E sonje, nou di: "Ebyen, bon, te gen yon pakèt egrèt ki te akroche la. Gen yon pakèt sesi." Wi. Te genyen Metodis, Batis, Presbiteryen, Literyen, Legliz de Kris, tout lòt ti bagay sa yo ki te ajoute sou li, fèy ak tout lòt bagay ki te akroche sou li, men orijinal la se te refòm yo, kounye a, ou wè.

164 Li kanpe sèl, menm jan ak Lepou a, "lèzòm rejte L, legliz yo meprize L epi rejte L." Lepouz la ret kanpe konsa. Kisa sa ye? Se Chedèv Li a, ou wè, se Pawòl la atravè L Li ka aji, Li ka manifeste. Rejè a!

165 Alò, tij la, egrèt la, ak bal la pa janm vin Semans, non, men pandan tout tan yo t ap vin sanble pi plis ak Semans lan.

166 Kounye a nan tan rekòt la, Semans lan retounen a Lavi orijinal Li, Li retounen a Bib la. Malachi 4 di sa t ap rive konsa. O, o la la! Li dwe genyen tout! Pou l vin konsa, Li dwe genyen tout Pawòl la. Èske se sa? [Kongregasyon an di: "Amèn."--Editè a.]

167 Kounye a kisa Li di, nan Apokalips 10, ki t ap pran plas? Poukisa vwayaj la te fèt nan Tucson? Pou louvri pou Legliz la. "Nan jou mesaje a, setyèm anj lan, Mesaj setyèm anj lan, Pawòl Bondye a nèt ta dwe manifeste. So a, se tout sa ke tij la te lese sou kote, de ki prevyen ak tout sa ki konsène L, ta dwe manifeste nan tan sa."

Èske se sa Pawòl la di? [Kongregasyon an di: "Amèn."--Editè a.] Donk, nou wè li. Donk ki kote nou ye, ou wè, ki kote nou ye? Gen yon sèl bagay, rekòlt la rive. Li mi nèt. Li prè kounye a pou Vini an. Remake.

168 Non, yo p ap janm Sa. Nan tan rekòlt la, Semans lan retounen nan kondisyon orijinèl li, epi Li dwe genyen tout Pawòl la nèt, pou ke Li ka Semans lan. Bon, ou pa ka gen yon mwatye Semans; li p ap pouse. Ou wè? Li dwe tout Semans lan nèt. Li dwe manifeste, non pa... Ou di: "Mwen kwè nan batèm Sentespri a. Alelouya! M kwè nan pale an lang." Sa se yon pati nan Semans lan, en-en, men kounye a gen bagay ki ajoute sou sa. Alelouya! Ou wè? Lavi a, pa don yo; Lavi don yo. Ou wè, ou wè sa m vle di a? Nou alafen, frè yo.

169 Tij la, egrèt la, bal la, yo mouri epi yo seche kounye a. Gen yon sèl bagay ki dwe rive yo, se pou yo rasanble nan Konsil Mondyal legliz yo pou li boule.

170 Pawòl la vin fèt chè, egzakteman jan Li te pwomèt nan Lik 17, Malachi 4, ak tout, ou wè, se vre, Apokalips.

171 Tout vrè Lavi ki te nan tij la, egrèt la, ak bal la, li rasanble kounye a nan Semans lan, prè pou rezirèksyon an, prè pou rekòlt la. Alfa a vin Omega a. Amèn. Premye a vin dènye a, epi

dènye a vin premye a. Semans lan, ki te antre nan tè a, swiv yon pwosedi epi li vin Semans lan ankò.

Semans lan, ki te tonbe nan jaden Dedenn lan, e ki te mouri la, retounen. Apati de semans enpafè sa ki te mouri la, Semans pafè a retounen, Dezyèm Adan an.

172 Premye Èv ki te tonbe a, epi ki te itilize nan dezyèm refòm lan...dezyèm vini an, kòm pou li te pote yon timoun, li vini kounye a vrè Lepouz la ankò, Semans lan, ki retounen tou drèt a Pawòl oriijinèl la ankò.

Alfa a avèk Omega a se menm lan. "Al-..." Li di: "Mwen se Alfa ak Omega," Li pa janm di okenn bagay nan mitan an. En-en. "Mwen se Alfa ak Omega, Premye a ak Dènye a." Wi, mesye.

173 Premye ministè a ak dènye ministè a se menm bagay la. Premye Mesaj la ak (dezyèm) dènye Mesaj la se menm bagay la. "Mwen se, Mwen te nan Alfa; Mwen nan Omega." "Va gen yon jou ke yo p ap rele ni jou ni nwi, men nan tan aswè a, va gen Limyè." Ou wè, Alfa ak Omega, li vin premye a ak dènye a. O la la, frè yo, nou ta ka pase dè zè sou sa.

174 Gran chedèv fanmi sa, Dezyèm Adan an ak Dezyèm Èv la, prè kounye a pou jaden an, Milenyòm lan, amèn, pou yo retounen sou tè a. Alelouya! Gran Eskilptè a pat kite yo blayi la. Li te pran tan, jan L te fè I pandan dè milyon dane, ap fòme premye koup pafè a; epi yo te tonbe. Kounye a sa se depi dè milye dane, Li t ap fòme ankò, e kounye a men yo prè.

175 Chedèv la te vini epi yo te frape L; nan bò zo kòt Li konpay Li te soti.

E li te fèt nan menm pwosedi a. Kounye a men Li ki retounen ankò; ak tout nati a, Bib la, ak tout lòt bagay, ki montre ke se la nou ye.

Y ap demantle nasyon yo, Izrayèl ap reveye,

Siy yo ke Bib la te predi yo;

Jou Moun Nasyon yo konte, (gade pakèt fatra

sa yo ke nou genyen yo), yo ranpli ak laperèz,

Retounen, O dispèse yo, bò moun pa nou yo.

Se vre. Ou ta fè mye antre la vit, si w vle ale.

M ap prepare m pou m fini jis nan apeprè senk minit, oswa dis.

176 Remake gran chedèv la, fanmi an. Mari ak madanm lan pa ka vrèman fonde yon vrè fanmi si yo pa youn. Yo dwe youn. Si yo pa youn, yo pa yon bon fanmi; madanm lan ap tire yon kote, epi mari a yon lòt kote. Sa t ap fè yon fanmi tèrib. Men nan akò, ak lanmou youn pou lòt, sa se yon fanmi. E kounye a sa se te chedèv Bondye a, e kounye a, tout vrè fanmi isiba sanble ak sa. Ou wè?

E kounye a fanmi ki Chedèv la retounen ankò, Kris ak Lepouz Li, yo prè pou yo vini. Dezyèm Adan an, Dezyèm Èv la, yo prè kounye a pou yo retounen Lakay yo. E tout tablo a se te redanmsyon an. Apati kote I te ye a, fè I retounen, ou wè, jis egzakteman mennen I tounen ankò. Apre...

177 Lòt jou, m te kanpe laba a devan Òm Dafè Kretyen yo. Anpil nan nou, mwen devine, te la. Lè m te tandem prèt Literyen sa a, oswa predikatè, oswa sa li te sipoze ye a, te kanpe la epi te di bagay ridikil sa a, epi li te moke I de sa ke nou kwè. Epi Òm Dafè Plen Evanjil sa yo mennen nonm sa la, epi pou I ap di sa. Li te mete kole chemiz li vire sou dèyè. Anpil nan yo fè sa kounye a. Epi li di: "Bon, gen moun ki mande m poukisa m vire kole chemiz mwen sou dèyè, li di, 'Kouman pou yo fè diferansye w ak yon prèt Katolik.'" Li di: "Pa gen okenn diferans, e pa ta dwe genyen." Li di: "Nou tout se pitit Bondye." Li di: "M konn yon prèt Katolik ki omniprezan, ou wè, ki te ka prezan tout kote."

178 Bon ou pa ka omniprezan si w pa omnisyen. Menm Bondye pa omniprezan; Bondye omnisyen. Omnisyan, sa ki fè L omniprezan, Li konnen tout bagay. Men, pou L ka yon Èt, Li dwe demere nan yon sèl Èt. Antan L omnisyan--omnisyan, Li ka omniprezan. Paske, Li konnen tout bagay, e Li te konnen yo anvan...Li te konnen yo, anvan mond lan te konmanse, konbyen pis, pou, konbyen ensèk, e konbyen fwa yo t a bat je yo, ak tout bagay ki konsène sa, ou wè, paske Li omniprezan. Ou pa ka omnisyan--omnisyan si w pa enfini. E gen yon sèl bagay ki enfini; Bondye. Amèn! Epi nou...

179 Kisa sa ye? Se ledyab, k ap mennen yo tou drèt nan masak sa a. Yo tout ap dirije yo ladann, egzakteman sa Bib la di a. E men li, ou wè, li rive menm nan mitan Pannkotis yo, epi li jis rale yo tou drèt jis tankou...Ala yon tan!

180 O, apre temwayaj sa a, yon moun te di m...mwen--mwen...Se te yon bon bagay m pat di anpil bagay, paske yo te ka pwobableman jete m nan prizon laba a. Men m jis te panse: "Men li."

Moun yo--yo ki avèti, konnen. "Moun ki saj yo va konnen Bondye, nan jou sa a," sa te di nan Danyèl. Wi, mesye. Ou wè, "Moun ki saj yo va konnen Bondye yo." Y ap siveye bagay sa yo.

181 Men lè m te wè sa rive, epi Pannkotis sa yo te pran pozisyon la avèk li! Menm Oral Roberts te voye je gade m *konsa*. Mwen di: "O la la!" Uh! Men, li te kanpe la avèk yon enstriksyon, rafine, ou konnen, e latrìye.

182 Se pa konsa Bondye rafine pa L yo. Li pa rafine yo ak enstriksyon. Li rafine yo nan imilite, nan--nan pwisans Pawòl manifeste Li a, pou montre nan ki kalite fòm Gren yo te tire Li.

183 Bon, yon moun te di m, li di: "Frè Branham," li di, "gen yon sèl bagay m pa ka konprann apwopo de ou."

Mwen di: "Kisa I ye?"

184 M te kanpe la nan yon koulwa...mwen devine, Sè Dauch ak lòt yo, apre m te fin sere lamen avèk Bill, epi m te kanpe la; epi tout te pati al nan kwen an, ak tout bann moun yo. Yon minis te prese vin bò kote m, ak kole chemiz li tounen sou dèyè, li di: "Poukisa ou toujou ap blame moun yo?" Li di: "Moun sa yo kwè ou se yon sèvitè Bondye, e ou dwe janti epi dous avèk yo, ak tout bagay." Li di: "Chak fwa m tande w kanpe, w ap blame fanm yo, poutèt yo gen cheve kout, epi poutèt yo pote bout chòt, ak makiyaj, ak tout lòt bagay sa yo; epi w ap blame moun sa yo, epi w ap di yo kouman yo frèt, fòmalis epi endiferan." Li di: "Poukisa w ap fè sa?" Li di: "Moun sa yo renmen w. Kouman ou ka fè yon pitit byenneme Bondye epi pou w ap fè yon bagay konsa?"

Mwen panse: "Seyè, pèmèt mwen reponn nonm entelijan sa a. Ou wè? Jis pèmèt mwen reponn li, yon kote, ke li ka pann tèt li nan pwòp kòd li." Wi.

Mwen di: "Ebyen," mwen di, "mesye, èske w janm li apwopo de gran pwodiktè mizik sa a yo rele...gran konpozitè yo rele Beethoven lan?

Li di: "O, sètènman, mwen li apwopo de Bethoven."

185 Mwen di: "Li dwe pwobableman te dechire anpil papye bwouyon, ranpli poubèl avèk yo, men li bay lemonn anpil chedèv." Li pa janm louvri bouch li pou l ajoute yon lòt mo. Mwen di: "Lè I te chita I t ap etidye sou enspirasyon, li ta ka ekri yon bagay. Li ta ka antre nan etid li ak lapriyè. Si li pat kòrèk, li te pran I pou fatra epi jete I nan poubèl la. Men lè li te fini, anba tout enspirasyon, lemonn te genyen yon chedèv."

O, konbyen Pawòl la ka tranchan, men li pwodui chedèv; en-en, li anlve tout bal la ak tij la. Li pwodui yon Chedèv.

186 M gen sèt minit pou m di nou yon bagay ki te pase avan yè, pou m kite nou soti alè. Le twa jiyè, mwen te pa bò isit la m te nan...sant pa bò isit la, sant dacha ki jis anfas nou isit la.

M te nan Pigalle, nan Wòm, an Frans, epi m te nan Vil New York, Los Angeles. Men bann fanm ki pi souye m pa janm wè nan vi m se nan Jeffersonville, Indiana. M pa janm wè pakèt debabouyaj ak souyi konsa nan vi m jan mwen wè nan mitan moun sa yo. M te chita la jouk kè m t ap fann, epi Seyè a te ban m yon vizyon.

Kounye a m pral rakonte vizyon an. M pa konnen si m ka entèprete l, men mwen--mwen pral rakonte vizyon an pou premye fwa.

187 M te antre nan yon trans. E lè m te fè l, te gen yon Moun avè m. M pat wè Moun lan. Se te jis yon Vwa. E mwen--mwen te voye je m gade. E antan m--m te gade nan direksyon sa, Li di: "Lepouz pral vini pou wè yon apèsi."

Epi m te gade, ki t ap vin bò kote m, epi m te wè gwoup fanm ki pi--ki pi bèl e ki te abiye pi pwòp ke m pa janm wè nan vi m. Men yo chak, sanble tankou, yo te abiye yon fason diferan. Yo tout te gen cheve long. Epi manch rad yo ak jip yo te pi long, e latriye. Jèn fanm, yo te sanble on jan, m ta ka di, yo gen apeprè ventan.

188 Kounye a m gen Bib la louvri isi a devan m. Ou wè? M ka sèlman di sa m te wè.

Si w di: "Kisa w ap gade?" M ap gade on revèy. "Kisa w ap chache?" M ap chache moun, m ap gade moun. "Kisa w ap gade?" M ap gade Bib la. Se sa. M ap di Laverite. Se sa m wè. E m ka sèlman di sa m te wè. M pa—m pa konnen sa l...tout bagay sou li. M jis dwe di nou.

189 Men, lè Epouz sa a, Li t ap gade dwat...Sila ki t ap pale avè m lan, epi mwenmenm, kanpe ansanm. Je l yo, Li te pèp ki te pi pwòp, parèt pi dous ke m te janm wè nan vi m. Sanble tankou l te ka yon douzèn, oswa plis, jis...M pa konnen konbyen ki te youn sou kote lòt, men la a jis nan yon gwoup nan yo. Epi L te pase la a, byen dous, ak yon lè/melodi. Epi je l yo anlè, ap gade, antan L t ap pase. O, Li te bèl! M te gade L, epi antan L tap pase. Li te di: "Kounye a nou va egzamine..." Te di: "Sa se Epouz lan."

"Kounye a nou pral egzamine legliz yo." Epi yo vini. M te remake yo k ap vini. Epi lè yo vini, chak, sanble, te vin pi mal. M pat janm wè yon gwoup degoutan konsa nan vi m.

Epi lè L te di: "Pwochen," m te tande on bri. Epi Sa te di: "Pwochen," te di: "men gwoup Ameriken an k vini."

190 Kounye a, m s on Ameriken, men sa-sa te fè m malad. M pa pale byen ase pou, nan yon oditwa ki miks, pou m di kisa k tap pase. Mwen-m-m...E n ap dwe li nan mitan liy yo. Men lè fanm yo tap vini, lidè yo se t on sòsyè. Li te g on gwo nen long ak on gwo gwo bouch. Epi yo tout te abiye ak kèk kalite rad enferyè anba isi a; men pati/bout anwo a te jis g on bretèl,

ke, ji on tipiti, apeprè yon demi pous bretèl ki te bouje anwo epi te viwonnen yo kon sa. Epi chak fanm yo te g on bagay nan on lòd...

191 Anpil nan nou, sa fè dè zane, te konn sonje lè nou te abitye koupe papye sa a, nou konnen, papye jounal, epi fè yon vye bagay pou chase mouch? Konbyen moun ki sonje sa? Nou konnen. Pouki, m panse yo sèvi avè l nan kanaval, nou konnen. Ap pandye kon sa, papye ak franj, papye ak dantèl.

Yo te g on bagay ki kenbe anba yo, kon sa, ki kenbe anba yo. Tout pati *sa a* te deyò/ekspoze.

Epi chak te gen cheve koupe vrèman kout, ak dè bagay ki parèt ak bouk tout sou li kon sa, cheve vrèman koupe kout; epi plen ak makiyaj. Absoliman anyen men te sanble tankou pwostitye nan lari.

Epi yo t ap mache ak papye sa a, epi, vilgarite an! Kounye a, papye an se te sa k tap kenbe sou devan yo. Men lè yo te pase nan podyòm egzamen an, sou dèyè yo...Epi pou wè fason yo ta prale, nan pati devan yo ak pati dèyè yo, epi kijan yo tap aji!

M te di: "Èske sa se Legliz la?"

192 Epi men l t ale. Epi yo t ap chante chante tòdye-woule sa yo isi a, nou konnen, oswa kèlkeswa sa n rele l la, ap desann, ap chante sa a epi ap pase la a.

M te di: "Èske sa se Legliz la?" Epi m te kanpe la a, epi nan kè m mwen t ap kriye.

Epi, sòsyè sa a, selon konsepsyon pa m, sa pa anyen lòt nan mond lan ke l s on...Li se Konsèy Mondyal Legliz sa a, k ap kondwi yo tou dwat nan wout kote l ta prale a. Yo te pati sou bò gòch, epi te disparèt nan briganday; toujou ap bat mizik sa a epi ap fè dè son vrèman dwòl, epi ap souke kò yo, yon bò epi apre lòt bò a. Epi apre, kon sa, ap konpòte yo mal kon sa, ap mache.

193 Epi m te jis kòmanse koube tèt mwen, epi L te di: "Tann, Epouz la dwe vini ankò."

Epi m te gade, epi men yo vini ankò. Epi yo te pase, dè ti medam ki paret dous. Yo tout t ap gade m dwat, antan yo te pase. Epi m te remake chak te abiye diferan. Epi youn dèyè a te gen jan de cheve long ki pandye, epi te genyen l ki woule toutotou kon sa; dwe t on Almann oswa on bagay kon sa. Epi m te gade yo.

Epi apre antan yo t ap pati, de ou twa nan yo, dèyè a, on jan te soti nan pa a/te ekate yo, epi m ta pral rele sou yo. Epi yo t ap eseye retounen nan pa a ankò. Epi m te wè yo, jis vizyon an te jis disparèt epi chanje, sot nan mwen.

194 Kounye a men entèpretasyon I lan. Rezon an...Kounye a, sonje, m te fèk ap ekri...M pat fini, m potko ekri nòt sa yo. Men nan preche, maten an, m te kapte sa I te ye, dwat nan predikasyon an. Èske te remake, legliz la te sèlman parèt...

Kounye a, sa se Laverite, zanmi. Papa ki nan Syèl la, Ki ekri Pawòl lan, konnen ke m di Laverite. Ou wè? M konnen m jis di Laverite.

E san m pa konnen I jouk sa fè kèk minit de sa, te sanble tankou, oswa jis toutalè a, ou wè. Èske n te remake? Epouz lan parèt de fwa; premye Semans lan ak dezyèm Semans lan, toude egzakteman menm Lan. E rezon yo te dr'iff...te abiye nan diferan pati, L ap sot nan tout nasyon, sa pral fè Epouz lan. Chak te gen cheve long, epi san makiyaj, epi vrèman bèl jennfi. Epi yo t ap gade m. Sa te reprezante Epouz lan k ap soti nan tout nasyon yo. Ou wè? Limenm, chak te reprezante yon nasyon, antan yo t ap mache pafètman aliyen ak Pawòl la. Ou wè?

195 Epi, lè sa a, m dwe veye L. L ap soti nan pa a ak Pawòl sa a si m pa veye, lè L ap pase, si L rive pase/reyisi. Petèt sa pral tan pa m, lè m fini, ou wè, lè m fini, oswa kèlkeswa sa I ye a.

196 Kisa? Yo t ap tounen. T ap eseye fè sa yo kapab, epi t ap tounen, jis antre nan liy; paske, yo-yo t ap gade yon lòt kote, t ap gade legliz sa a ki te fèk soti al nan briganday. Men de...Sila ki te devan yo, jamè. Sila ki te dèyè yo, jis de ou twa nan yo, te on jan ap ecate on tikal sou bò dwat la, epi te sanble yo t ap eseye retounen nan liy antan yo te pase. Yo te fèk pase devan m, o, lwen tankou isi a sou miray la, pase devan m. Epi m te kanpe la a. Epi apre m te jis wè tout deplase soti epi pati.

Men, nou remake, legliz la te sèlman parèt yon fwa, chak nasyon, legliz la. Men Epouz lan antre de fwa. Ou wè, ou wè kisa I te ye? Kounye a, san m pa konnen I, men gade I ak Mesaj mwen an maten an. San m pa konn sa. Ou wè?

197 Semans la te tonbe nan tè a nan Nise. Se te Semans orijinal lan. Epi Li te pase nan pwosesis denominasyon sa yo, ki sèlman vin nan egzistans yon fwa. Men Epouz lan retounen ankò nan dènye jou yo. "M ap restore." Ou wè, Chedèv la prezante. Se pou rezon sa a Li te parèt, te egzamine, dezyèm fwa an. Li te egzamine premye fwa an, apresa li te egzamine dezyèm fwa an. Epi L te pafètman, dezyèm fwa an, tankou L te ye premye fwa an. O Bondye, gen pitye! Prese, prese, prese, Lavi, antre nan Grenn lan, byen rapid! En-en.

198 Tout lòt yo pat janm parèt ankò. Yo te soti, pou yo pa janm tounen ankò.

Men Epouz lan te tounen, paske Li te Alfa ak Omega. Bondye, gran Eskiltè a, te f on Chedèv pou Tèt Li, paske Li s on moso nan premye Chedèv Li a. Tankou L te fè nan jaden Edenn lan, epi te pran yon moso nan, epi te f on lòt moso epi sa te domaje epi te tonbe, kounye a Li t ap konstwi l ankò pandan tout tan sa a. Epi L te pwodwi Chedèv sa a, epi te frape, pou...Pati sa a ki te frape a, se te pou mennen Chedèv sa a tounen ankò, ankò.

199 Kidonk, Chedèv la ak Pitit Bondye an, Chedèv lan ak Epouz lan, epi S on moso nan Li, ki dwe akonplisman Pawòl lan. Pawòl lan te akonpli, epi nou pare pou vini Seyè an.

200 O Legliz Bondye vivan an, koube kè nou epi pa nou-tèt nou devan Bondye. Bagay sa yo vre. M konnen ke sa sonnen tankou sa, tankou yon sitèlman gwo bagay ke sa t ap ye, t ap sitèlman simaye sou nasyon yo. Sa pat janm fèt. Li pa chanje fason Li. Se pou wjis rekonesan, Legliz, pou rekonesan ke nou kote n ye a jodi a, si nou nan Kris. Paske, nou wè, kounye a, epi lè sa...

201 Sonje, tout Lavi sa a pral rasanble dwat nan Grenn lan, pou rezirèksyon an, men tij la dwe boule. Rès ladan li; pay la ak tout, dwe detwi, epi sa pral fèt. Pa fè denominasyon pa nou, sa yo konfyans. Rete nan Pawòl la, Lavi an, Bondye ak Chedèv Li a.

202 Apresa kisa l ye nan Milenyòm lan? Kris ak Epouz Li, tounen nan jaden Milenyòm lan. Amèn!

Mwen renmen Li, mwen renmen Li

Paske Li te renmen m an premye

E te achte sali mwen

Sou bwa Kalvè a.

203 Men kote L te frape a. "Nou te panse Bondye te blese, frape Li, epi aflije. Men Li te blese pou move zak nou yo, Li te maspinen pou mechanste nou."

204 Èske gen moun isi a, maten an, ki pa nan Grenn sa a maten an? E kòm Lavi a kounye a ap rale dènye moso l la sot nan pay la, paske pay la ap seche. Konbyen moun ki konnen ke legliz Pannkotis ap seche? [Asanble di: "Amèn."—Editè a.] Kisa l ye? Lavi ap kite l. Franchman, li pati. E si Epouz sa a déjà wè alavans, m mande tèt mwen si Epouz la pa déjà fèt, lè sa a. [Frè Branham kòmanse ap fredone: *Mwen Renmen Li.*]

...renmen Li, mwen renmen Li

Paske Li te renmen m an premye

E te rachte sali mwen

Sou bwa Kalvè a.

205 Ak tèt nou koube kounye a. Èske gen kèk isi a ki ta renmen yo sonje yo? Si n santi ke n pa...

Zanmi, sa twò klè. M pat janm g on vizyon nan vi m, sòf si yon bagay te rive, te swiv. M di Laverite. Tout lòt fwa sa yo, si m te di Laverite, Bondye te pwouve l. Alò, m di Laverite fwa sa a.

206 M pa konn nan ki jou n ap viv, men m konnen pa g anyen k rete. Pa ta ka g on politisyen ki leve ki te ka drese bagay sa a. Politik, nasyon an fini. O Bondye! Èske n ka, èske n ka desann fon ase pou-pou-pou santi sa. Nasyon an fini; pa nasyon, men nasyon yo. Sa se pi bon nan gwoup lan, e l fini. Apresa, si nasyon yo fini, mond lan fini. Epi legliz yo, nan opinyon m, Pannkot se te pi bon yo te genyen, men l fini.

O Bondye, gen mizèrikòd pou nou!

207 Si n pa konnen L, tanpri prese, prese. Si n santi Lavi, soti nan...soti nan peche nou, soti nan bagay ke n ladann lan. Al nan Grenn lan, byen rapid. N ap mouri nan tij la, oswa nan pay la.

Priye, pandan n ap chante kounye a. "Mwen renmen Li."

Sa depann de nou kounye a. Nou pa gen okenn denominasyon, okenn anyen. Nou sèlman gen Kris. Nou byenvini pou n adore avè L, avè nou, jouk Li vini. Nou pa ka mete non nou sou liv; nou pa g okenn liv. Nou vle pou non nou nan Liv Lavi an. Nou ka sèlman fè sa atravè Nesans. Èske n pap fè sa touswit? Mande Kris pou nouveau Lavi, mennen nou anndan, mete non nou sou Liv Li, si sa pa fèt. Apresa, nou ka fratènize avè nou, nou ta renmen genyen nou. "Mwen..."

208 Chè Bondye, ede chak moun kounye a pou fè envantè, wè si nou nan Li. Ou te renmen nou. Ou te frape pou nou, epi nou te panse Bondye frape W epi aflije W. M priye, Bondye, ke W ap rele chak moun. Seyè, pale ak pitit mwen yo, byenneme m yo, zanmi m yo. Akòde l, Seyè, jis kounye a, nan Non Jezikri.

209 Pa kite pèsòn tann twò lontan, Seyè. Sa parèt pre anpil. Rekòt la vrèman mi. Gran mwasonez-batez Bondye a pral bale tè a youn nan jou sa yo, pay pral vole tout kote; men Ble an va rasanble nan grenye an, ranmase, paske nan Sa se Lavi. Akòde, Seyè, chak rekèt pou yo jwenn repons, chak priyè pou yo manifeste devan W.

210 M priye pou yo, Seyè. M priye ke W pap kite okenn ki isi a pèdi, Seyè. Yo-yo-yo mete anba difikilte; yo-yo-yo kondwi pandan dè santèn de kilomèt. E kèlkeswa sa nou bezwen a, ban nou I, Seyè, kèlkeswa sa k bon pou nou, Seyè; pa sa k bon nan je pa nou, men sa k bon nan je pa W. Nou vle kanpe tankou yon vyèj inosan ki te pran pinisyon, ke Bondye te blame, konsa nou te ka priye soti nan peche nou yo. Epi m ofri priyè m pou yo, Seyè.

211 Mwen-m-m pa konn kòman pou m priye. N ap-nap pale ak Bondye Pwisan an. E ki èt imen ki la a, ki mòtèl ki te ka fè bon kalite priyè a devan Bondye vivan an? Men, Seyè, pawòl mwen yo ki mal pwononse, ak-ak non ak pwonon m yo nan-nan move plas la; si W te ka pran ABC an pou on ti gason yon jou, epi-epi fè yon fraz, Ou-Ou ka pa mansyone non ak pwonon m yo epi jis gade sou sa m kwè, Seyè.

Mwen kwè nan Ou. M kwè nan Pawòl sa a. E m ap kwè pou chak moun isi a. E m-m ap mennen yo nan Lotèl sa a, Seyè, pa lafwa, kote, nan mitan noumenm ak Gran Jehovah, se San Pitit Li a, Jezi. E San an va pale pou nou. Lè W te frape L sou Kalvè, Ou te di: "Pale!" "Tande L!" "Epi San an," Bib la te di: "pale pi gran bagay pase san ayo an nan Ansyen Testaman an, paske San Kris la pale pi gran pase san Abèl la; pi gran bagay." Epi pale, Seyè, redanmsyon pou nou, antan nou rele nan San an.

212 Gran Papa Lavi, mete nou ladann, Seyè. Si nou-si n te peche, retire I nan nou. Nou, nou pa vle pou n fason sa a, Seyè. Se pa entansyon nou.

E nou reyalize n ap viv nan on fason sitèlman terib, fènwa. Jan n te di nan kòmansman an, n ap mache sou yon mòn, atravè dè plas ki rèd. Santye an pa byen klere, men n ap bwote Limyè a. Se pou n wè, pazapa, antan n prale kounye a; jouk nou rankontre, tankou *Pwogrè Pèlren*, jouk alafen nou rive sou tèt Bit la. Gide nou, O Bèje. Gran Jehovah, kondwi nou pa Lespri W.

213 Epi n konnen ke nou lwen yon chedèv; men n ap gade kote yo te taye nou, vrè Chedèv la, e nou gen konfyans nan Li. Jis mennen nou ba Li, Seyè. Akòde I, Seyè.

214 Geri tout moun malad isi a, Seyè. "Nou te konsidere L te frape epi aflije. Men Li te blese pou move zak nou yo." Chedèv Bondye a te frape. "E Li te blese pou move zak nou yo; ak maleng Li yo nou te geri." Geri malad yo, Seyè, nan Prezans Divin Ou kounye a, pandan nou konnen ke W isi a.

215 Netwaye namn nou, kè nou, retire tout move bagay, tout move panse, tout move komunikasyon, tout bagay ki pa bon. Netwaye nou. Epi nou priye, Papa, ke W ap geri maladi nou, epi kite nou kite isi a antan n santi ke n se pitit sanktifye W yo. Epi ak San an sou nou, nou pale atravè San an, Pawòl la. Akòde I, Seyè. Nou mande nan Non Jezikri. Amèn.

216 Papa Bondye, sou mouchwa sa yo, wenn yo ak Prezans Ou, Seyè. Ke Prezans Ou avè yo kèlkeswa kote y ale. Kèlkeswa sou sa yo poze, sou nenpòt kò malad, se pou yo geri. Epi kèlkeswa, si g on fwaye ki kraze yon kote, repare I, Seyè, gran Eskiltè a. Akòde I, Seyè.

217 Moule nou, epi fè nou dè ptit gason ak ptit fi Bondye. Nou kwè Epouz la ap pran dènye sire/polisaj li. L ap frape sot nan òganizayon an okoplè, ansanm, epi apresa gran rekòt la pral isi a. Jouk lè sa a, Seyè, fè yo an sante epi kontan, pou sèvi W. Nan Non Jezi. Amèn.

Mwen renmen Li, mwen... (Èske n vrèman renmen L?)

Paske Li te renmen m an premye

E te rachte sali mwen

Sou...

218 Kounye a èske n konprann poukisa m te repwoche nou? Se pa paske m renmen nou...pa paske m pa renmen nou. Mwen renmen nou. M vle yon Chedèv pou Mèt la. M te petèt dwe rache kèk kon sa, men m ap g on Chedèv, youn nan jou sa yo, si m kenbe I dwat sou Pawòl sa a. Egzak.

219 Kounye a Jezi te di: "Sa a tou lèzòm pral konnen ke nou se disip Mwen, lè nou gen lanmou youn pou lòt." Nou ta dwe sitèlman gen lanmou youn ak lòt!

Beni ne a ki mare

Kè nou nan lanmou Kretyen;

Fratènite lespri ki sanble

Se tankou sa ki Anwo a.

Ann pran men youn lòt.

Lè nou separe youn ak lòt,

Sa ban nou doulè andedan;

Men nou va toujou reyini nan kè,

Ak lespwa pou n kontre ankò.

Pran Non Jezi a avèk nou,

Pitit chagren ak malè;
L ap ban n lajwa ak konsolasyon,
Pran li tout kote n prale.

Presye Non, O ala dous!
Lespwa latè ak lajwa nan Syèl;
Presye Non, O ala dous!
Lespwa latè ak lajwa nan Syèl.

Kounye a sonje, nan vwayaj nou:
Pran Non Jezi a avèk nou,
Kòm yon pwotèj pou tout pwoblèm;
Lè tantasyon ap viwon-...(Kisa n fè lè sa a?)...-nen nou,
Jis pran souf Non sen sa a nan priyè.

O Presye Non, O ala dous!
Lespwa latè ak lajwa nan Syèl;
Presye Non, O ala dous!
Lespwa latè ak lajwa nan Syèl.

Jouk nou rankontre!
Ann koube tèt nou. O, m renmen chante!
Jouk nou kontre nan pye Jezi;
Jouk nou rankontre! jouk nou rankontre!
Bondye avè nou!